



Blank page with faint horizontal lines and a vertical margin line on the left.

分類補註李太白詩卷之五

明長洲許自昌玄祐甫校

樂府

門有車馬客行

門有車馬賓金鞍耀朱輪謂從丹霄落乃是故鄉親

呼兒掃中堂坐客論悲辛

齊賢曰陸士衡樂府門有車馬客行曰門有車馬客

駕言發故鄉陳平門多長者車轍白日行曰白馬黃

金鞍楊惲書曰乘朱輪者十八張景陽詩朱軒曜金

城又門有車馬客行曰借問邦族間惻愴論存亡與

此同意鮑照野鵲賦曰對鐘鼓之悲辛王贊曰左傳

左輪朱殷楊子赤輪駟馬金朱煌上無已泰平劉向

傳今王氏朱輪華轂鮑照代門有車馬客行云門有

寺南主

卷五

一



車馬客問客何鄉士捷對酒兩不飲停觴淚盈巾王

步往相訊果得舊鄉里對酒兩不飲停觴淚盈巾

已李陵詩望遠悲風至對酒不嘆我萬里遊飄飄三

能酬鮑照詩停觴不銜欲誰須嘆我萬里遊飄飄三

十春齊賢曰結客少年場曰負劍遠行遊去鄉三十

閑居三十載士贇曰江淹詩渺然萬里遊漢馮奉世

傳要功萬里之外曹植七啓曰志飄上焉嶢上焉若

狹六合而隘九州鮑照詩空談帝王略紫綬不挂身

去鄉三十載復得還舊丘空談帝王略紫綬不挂身

賈

賈

賈

賈

賈

賈

賈

賈

賈

谷子張良諸葛亮李淳風李筌李鑒李銳楊晟注

李筌驪山母傳陰符玄莪一卷注云筌號少室山連

觀子於嵩山虎口巖石壁得黃帝陰符經本題云

魏道士寇謙之傳諸名山至驪山老母傳其說

落無所合流離湘水濱齊賢曰宋玉九辯曰廓落兮

愧獨立也王贊曰莊子云瓠落無所容謝靈運詩序汝穎之士流離世故頗有飄薄之嘆借問宗

黨間多為泉下人齊賢曰爾雅有宗族有母黨妻黨

厭上如九泉下人王贊曰古詩潛寐黃泉下生苦

載不復見繆襲挽歌朝發高堂上暮宿黃泉下

百戰役死託萬鬼隣齊賢曰孫子曰百戰百勝非善

四民宅今託萬鬼隣王贊曰山海經云東海北風揚

中蟠桃其卑枝間曰東北鬼門萬里出入也

胡沙埋翳周與秦大運且如此蒼穹寧匪仁惻愴竟

何道存亡任大鈞

齊賢曰：劉公幹詩曰：涼風吹沙礫。

贊曰：詩云：北風其涼。漢書：大風揚沙石。晝晦鮑照詩：

疾風衝塞起沙礫。自飛揚。周秦者東西二都也。何晏

景福殿賦：乃大運之攸戾。陶潛詩：天運苟如此，又死

去何所道？又：惻愴何所悲。漢書：鵬賦注：如淳曰：陶者

作器於鈞上，此以造化爲大鈞。應劭曰：陰陽造化如

鈞之造器也。良曰：言天地輪轉萬物生死之理。垓北

無際也。陸机門有車馬客，行云：門有車馬客，駕言發

故鄉，念君久不歸，濡跡涉江湘。投袂赴絕壑，攬衣不

及裳，捐膺攜客泣，掩淚叙溫涼。借問邦族間，惻愴論

存亡。親友多零落，舊齒皆凋喪。市朝互遷易，城闕成

丘荒。墳壠日月多，松柏鬱蒼蒼。天道信崇替，人生安

得長？慷慨惟平生，俛仰獨悲傷。太白此詩與陸机詩

相出入

故全錄

君子有所思

齊賢曰：樂府解題：君子有所思。

滿盈所宜敬忌王贊曰王僧虔技錄君子有思行相和歌瑟調三十八曲之一也文選有陸

士衡之作

紫閣連終南青冥天倪色憑崖望咸陽宮闕羅北極

齊賢曰東都賦結雲閣冠南山南山終南也王逸九思玄鶴兮高飛增逝兮青冥注青冥雲也莊子曰和之以天倪咸陽縣在京兆府西四十里秦漢隋唐所都王贊曰詩云終南何有毛萇曰終南周之名山西都賦漢之西都在於雍州寔曰長安左據函谷二嶠之阻表以太華終南之山楚詞據青冥而攄虹咸陽即西都唐建都於此晉天文志中宮北極五星勾陳六星皆在紫宮中北極北辰最尊者也天運無窮三光迭曜而極星不移故萬井驚畫出九衢如絃直渭水銀河清橫天流不息

齊賢曰鄭康成云方百里為一同積萬井九萬夫漢宮闕

疏曰長安立九市六在道西三在道東西都賦曰街衢洞達閭閻且于九市開場貨別隧分選詩直如朱絲絃士贊曰前漢刑法志同方百里提封萬井鮑照詩馳道直如髮袁淑詩信行直如弦書導渭自鳥鼠同穴東會于澧又東會于涇又東過漆沮入于河三輔記秦都咸陽渭水貫都以象天河浮橋南渡以法牽朝野盛文物衣冠何翕翕齊賢曰堯治天下不知牛朝野盛文物衣冠何翕翕治歟不治歟問外朝外朝不知問在野在野不知江文通詩曰瑶草正翕翕琴賦曰瑤瑾翕翕士贊曰左傳火龍黼黻昭其文也五色比象昭其物也選詩文物共葳蕤文中子曰大哉中國衣冠之所自出也廐馬散連山軍容威絕域齊賢曰唐天子之御左右六閑為二廐一曰祥麟二曰鳳苑以繫飼之其後禁中又增置飛龍廐以張萬歲領郡牧自正觀至麟德四十年間馬七十六萬六千置八方四十八監食負志正觀初馬牛被野人行數千里不齎糧唐兵制天

軍王贊曰周禮六繫為廐上一僕夫詩云乘馬在廐
挫之秣之連山即祈連山也見二卷注前漢胡建傳
軍容不入國張綽天伊臯運元化衛霍輸筋力歌鍾
台賦云邈彼絕域

樂未休榮去老還逼圓光過滿缺太陽移中易不散

東海金何曾西飛匿

齊賢曰漢書伊臯之徒曹子建詩白日忽西匿王贊曰伊尹臯

陶衛青霍去病也記老者不以筋力為禮鮑照詩七

盤起長袖庭下列歌鍾曹植詩曰圓景光未滿易豐

卦曰日中則昃月盈則虧吳越春秋曰日中則移月

滿則虧晉天文志曰為太陽之宗書自朝至于日中

易疏曰日中則昃謂過中則斜側也陳子昂詩微月

生東海幽陽始化昇圓光正東滿陰魄已朝疑王粲

登樓賦白日

無作牛山悲惻愴淚沾臆

齊賢曰王仲宣詩惻愴令

吾悲王贊曰齊景公悲牛山事見二卷注陸机詩惻

愴論存亡周弘正送婦葬詩先後能幾時空使淚沾

臆唐至於天寶盛之極矣此詩乃戒
滿盈之作也可謂憂深思遠者矣

東海有勇婦

代關中有貞女又作賢女士贊曰
樂府正聲漢鞞舞歌五曲有關中

有賢女魏曰明明魏

皇帝晉曰洪業篇

梁山感杞妻痛哭爲之傾金石忽薨開都由激深情

齊賢曰孟子華周杞梁之妻善哭其夫而變國俗趙
岐注云華周華旋也杞梁杞殖也二人齊大夫死於
戎事者其妻哭之哀城爲之崩國俗化之則效其哭
家語云至誠感之通於金石而况人乎士贊曰劉向
說苑齊莊公且伐莒爲車五乘之賓而杞梁華周獨
不與焉故歸而不食其母曰汝生而無義死而無名
則雖非五乘孰不汝笑也汝生而有義死而有名則
五乘之賓盡汝下也趣食乃行杞梁華周同車侍於
莊公而行至莒莒人逆之杞梁華周下闔獲甲首三
百在公上之曰子與子司齊曰已矣華周曰吾爲

五乘之賓而梁不與焉是少吾勇也臨敵步難止以利是汙吾行也深入多殺者臣之事也齊國之利非吾所知也遂進圍壞軍陷陣三軍不敢當至莒城下莒人以炭置地二人立有間不能入隰侯重爲右曰吾聞古之士犯患涉難者其去遂於物也來吾諭子隰侯重杖楯伏炭二子乘而入顧而哭之華周後息杞梁曰汝無勇乎何哭之久也華周曰吾豈無勇哉是其勇與我同也而先吾死是以哀之莒人曰子母死與子同莒國杞梁華周曰去國歸敵非忠臣也去長受賜非正行也且雞鳴而期日中而忘之非信也深入多殺者臣之事也莒國之利非吾所知也遂進圍殺二十七人而死其妻聞之而哭城爲之弛而隅爲之崩此非所以起也又崔豹古今注樂府杞梁者杞殖妻妹朝日所作也殖戰死妻曰上則無父中則無夫下則無子人生之苦至矣乃抗聲長哭杞都城感之而頽遂投水而死其妹悲姊之貞操乃作歌名曰杞梁妻焉梁殖字也劉向新序楚熊渠夜行見寢石以爲伏虎關弓射之滅矢飲羽下視知石也却

復射之矢摧無跡熊渠子見其誠心而金石爲之開况人心乎東海有勇婦何慚蘇

子卿學劒越處子超然若流星捐軀報夫讎萬死不

顧生白刃耀素雪蒼天感精誠十步兩躡躍三呼一

交兵斬首掉國門蹴踏五藏行豁此伉儷憤粲然大

義明士贊曰漢書蘇武字子卿使匈奴單于欲降之

注鮑照詩捐軀報明主後漢耿恭傳出於萬死無一

生之望鮑照詩白刃起相讎曹植詩素雪云飛詩云

悠上蒼天鄒陽上書曰精誠變天地莊子臣之劍十

步一人千里不留行漢張耳傳野無交兵左傳未有

伉儷注伉敵也儷偶也漢董仲舒傳周道北海李使

粲然復興易男女以正天地之大義也

君飛章奏天庭捨罪警風俗流芳播滄瀛名在列女

籍竹帛已光榮

士贊曰後漢仲長統傳表德行以風俗晉桓溫曰流芳百世潘岳詩流

芳未及歌曹植詩名在壯士籍漢書李陵曰雖古竹帛所載丹青所畫何以過子卿曹植求自試表名稱

垂於淳于免詔獄漢主爲緹縈津妾一棹歌脫父於

嚴刑十子若不肖不如一女英

士贊曰漢刑法志孝文時太倉令淳于公

有罪當刑詔獄逮繫長安淳于公無男有五女當行會逮乃罵女生子不生男緩急非有益其少女緹縈

目傷悲泣乃隨其父至長安上書願沒入爲官婢以贖父刑罪使得自新天子悲憐其意遂詔除肉刑具

爲令列女傳趙津吏洧者趙河津吏之女也初趙簡子南繫楚津吏醉卧不能渡簡子召欲殺之津吏女

子持楫而前曰妾父聞君來渡不測之水恐風波之起故禱九江三淮之神不勝至祝杯酌餘瀝醉至於

此妾願以鄙軀易父之死簡子將渡少一人洧乃攘袂操楫而請簡子許之遂以渡中流爲簡子發河激

之歌其詞曰升彼阿兮面觀清水揚波兮杳冥冥禱
求福兮醉不醒誅將加兮妾心驚罰既釋兮瀆乃清
妾持楫兮操其維蛟龍助兮主將歸呼來棹兮行豫
勿疑簡子大悅以為夫人孟子曰舜之子亦不肖豫

讓斬空衣有心竟無成

齊賢曰史刺客傳豫讓者晉人也事智伯甚尊寵之及智

伯伐趙襄子與韓魏合謀滅智伯而三分其地漆智
伯頭以為飲器豫讓遁逃山中曰必為報讐而死乃
變姓名為刑人入官廁中七首欲以刺襄子襄子如
廁心動執問之則豫讓內持刀兵曰欲為智伯報仇
左右欲誅之襄子曰彼義人也釋去之居頃之豫讓
又漆身為厲吞炭為啞行乞於市頃之襄子當出豫
讓伏於所當過之橋下襄子至橋馬驚襄子使人問
之豫讓也於是乃數豫讓使兵圍之豫讓曰今日之
事臣固伏誅然願請君之衣而擊之以致報讐之意
則雖死不恨于是襄子大義之乃使使持衣與豫讓
豫讓拔劍三躍而擊之曰吾可以報智伯矣遂要離
拔劍自殺死之日趙國志士聞之皆為弟立

要離

殺慶忌雖夫所素輕妻子亦何辜焚之買虛聲豈如

東海婦事立獨揚名

齊賢曰通鑑外紀曰吳王僚子慶忌居偉養士欲報仇闔廬患

之伍子胥薦要離要離曰請君罪以逐臣殺臣妻子

焚之往投必得近而圖之闔廬從其謀要離奔衛有

間與慶忌涉江中流因風勢抽戈擊慶忌力薄不制

什而投之江浮則又取而殺之如是者三慶忌

勇也赦之闔廬將厚賞之曰殺妻子以便事不仁

為故主殺新主不義梓而三入三出于江臣已辱矣

伏劍而死士贊曰吳越春秋吳王二年吳王五前既殺

王僚又憂慶忌之在鄰國子胥乃見要離曰吳王聞

子高義願一臨之乃與子胥見吳王王曰子何為者

要離曰臣國東千里之人臣細小無力迎風則僵負

風則伏大王有命臣敢不盡力大王患慶忌乎吾能

殺之王曰慶忌之勇世所聞也今子之力不如也要

離曰王有意焉臣能殺之臣詐以負罪出奔願王戮

臣妻子斷臣右手慶忌必信臣矣王曰諾要離乃詐
得罪出奔吳王乃取其妻焚棄於市要離乃遂如衛
求見慶忌慶忌信其諄後三月揀練士卒逐之吳將
渡江中流要離力微坐與上風勢以矛鉤其冠順風
而刺慶忌慶忌顛而揮之三棒其頭于水中乃加于
膝上嘻嘻哉天下之勇士也乃敢加兵刃于我左右
欲殺之慶忌止之曰此是天下之勇士豈可一目而
殺天下勇士二人哉乃誠左右曰可令還吳以旌其
忠於是慶忌死要離渡至江陵懸然不行從者曰君
何不行要離曰殺吾妻子以事吾君非仁也為新君
而殺故君之子非義也言訖遂投身于江未絕從者
出之要離曰吾寧能不死乎從者曰君且勿死以俟
焉祿要離乃自斷手足伏劍而死江淹書曰進不買
聲名於天下孝經曰立身行道揚名於後世以顯父
母孝之終也

黃葛生洛溪黃花自綿羃青烟蔓長條繚繞幾百尺

干贊曰詩云綿綿葛藟在河之滸注云興也綿綿長

不絕之貌箋云生于河之涯得其潤澤以長大而不

絕閨人費素手採緝作絺綌齊賢曰詩葛之覃兮施

是獲為絺為綌服之無斃即此意陸士衡詩曰揮手

如振素精為絺粗為綌士贊曰古詩織上出素手扎

扎弄機杼詩葛覃注曰精曰絺粗曰綌箋云服整也

女在父母之家未知將所適故習以絺綌煩辱之事

乃能整治之無厭倦是其性貞專說苑綿綿之葛在

于曠野良工得之以為絺綌良工不得枯死于野

縫為絕國衣遠寄日南客蒼梧大火落暑服莫輕擲

此物雖過時是妾手中跡齊賢曰謝惠連詩縫為萬

州九真郡蒼梧山見三卷注大火心星也心以季夏

昏中而暑退季冬旦中而寒退張曜曰火中寒暑乃

退士贊曰琴操雍門周曰遠赴絕國無相見期江淹
別賦一去絕國詎相見期漢書武帝紀曰使絕國師
古曰遠絕之國謂聲教之外詩七月流火注曰大火
者寒暑之候火星中而寒暑退故將言寒先著火所
在前漢律歷志大火初氏五度寒露中房五度霜降
終于尾九度唐地理志嶺南道有驩州日南郡梧州
蒼梧郡記月令孟夏天子初衣暑服注曰絺綌也古
詩過時而不採太白白此詩忠厚之意發于情性風雅
之作也今世此蜉蝣輩作詩評乃謂太白白詩
全無關於人倫風教吁是亦未之思耳

白馬篇

齊賢曰曹子建有白馬篇王贊曰歌錄曰白馬篇齊瑟行也

龍馬花雪白金鞍五陵豪

齊賢曰周官馬八尺以上為龍漢書原涉傳諸豪及

長安五陵諸為氣節者皆歸慕之師古謂長陵安陵
陽陵茂陵平陵此為五陵而霸杜皆不與上贊曰後
漢為皇后傳云車如流水馬如游龍五臣撰江淹別

五陵漢書曰宣帝葬杜陵文帝葬霸陵高帝葬長陵
惠帝葬安陵景帝葬陽陵武帝葬茂陵昭帝葬平陵
良曰杜陵霸陵在南餘五陵皆在北故曰五陵漢書
曰徙吏二于石豪訾富人及豪傑兼并之家于諸陵
蓋亦以強幹弱枝秋霜切玉劍落日明珠袍齊賢曰
非獨為奉山園也拾遺曰越勾踐以白牛馬祠昆吾山之神以其山赤
金成入劍一曰掩日二轉魄三斷水四懸翦五驚魄
六滅魄七却邪八真剛以切玉斷金如刻削土木珠
袍綴珠袍縫也王贊曰東方朔十洲記周穆王時西
胡獻昆吾刀長一尺切玉闔雞事萬乘軒蓋一何高
如泥珠袍者俠客之服

馬摧南山虎手接太行猱

齊賢曰說苑曰翟璜乘車蓋華蓋田子方怪而問之

對曰吾祿厚得此軒蓋魏文帝詩西山一何高尸子曰中黃作曰余左執太行之猱而右搏離虎王贊曰闔雞及萬乘事並見二卷注前漢于定國父于公曰少高大其門令容高蓋車曹植詩曰仰手接飛猱

酒後競風采三杯弄寶刀殺人如剪草劇孟同遊遨

士贊曰漢書楊惲書曰酒後耳熱穀梁傳孟勞魯之寶刀賈誼傳秦列民如草菅劇孟事見三卷注詩云

以遨發憤去函谷從軍向臨洮叱咤萬戰場匈奴盡

奔逃齊賢曰漢武置弘農縣于秦故函谷關謂道形如函即荀卿所謂秦有松栢之塞唐志隴右道

洮州臨洮郡治臨洮縣今為西和州築長城起臨洮今在州西二十里由崆峒山傍洮水東孫子曰百戰

百勝士贊曰函谷關及從軍事見二卷注臨洮水名漢唐以為塞在隴西仲長統傳曰豈可鞭笞叱咤唯

我所為者乎戰國策曰綴甲厲兵歸來使酒氣未肯效勝于戰場蘇武詩行行在戰場

拜蕭傳齊賢曰季布傳人又言其勇使酒難近周昌傳昌為人強力敢直言自蕭曹皆罕下之士

贊曰漢書灌夫為人剛直使酒不羞入原憲室荒淫

隱蓬蒿

齊賢曰外紀子貢家累千金原憲不願

敝衣冠見子貢子貢耻之曰夫子病乎憲曰貧也非
病士贇曰劉向新序曰原憲居魯環堵之室茨以生
蒿蓬戶甕牖採桑以爲樞上漏下濕匡坐而弦歌子
貢聞之乘肥馬衣輕裘中緝而表素軒車不容巷往
見原憲原憲冠葉冠杖藜杖而應門正冠則纓絕袵
襟則肘見納屨則踵決子貢曰嘻先生何病也原憲
仰而應之曰憲聞之無財謂之貧學而不能行謂之
病憲貧也非病也若夫希世而行比周而交學以爲
人教以爲己仁義之愚與馬之飾憲不忍爲也子貢
逡巡而有慚色不辭而去原憲曳杖拖屨行歌商頌
而反聲滿天地如出金石天子不得而臣也諸侯不
得而友也故養志者忘身身且不受孰能累之詩云
我心匪石不可轉也我心匪席不可卷也此之謂也
阮籍詩僊僊起荒淫莊子翱翔蓬蒿之間趙岐三輔
決錄注曰張仲蔚扶風人也少與同郡魏景卿隱身
不仕明天宮博物好爲詩賦所居蓬蒿沒人也此詩

寓貶于褒寄揚于抑深得
國風之旨讀者宜細味之

鳳笙篇

士贊曰樂府遺聲歌舞
二十一曲中有鳳笙篇

仙人十五愛吹笙學得崑丘彩鳳鳴始聞鍊氣食金
液復道朝天赴玉京玉京迢迢幾千里鳳笙去去無

窮已欲嘆離聲發絳唇更嗟別調流纖指

齊賢曰王
子晉吹笙

作鳳鳴事見前注說文笙正月之音十三簧象鳳身
蓋其簧十二以應十二律其一以象閨離騷注曰三
成爲崑崙丘謂崑崙丘三重故以名鳳翔于崑丘抱
朴子曰合金液唯金難得古秤一斤於今爲二斤率
不過三十許萬其所用雜藥差易其又不起火但以
置華池中日數足便成都合用四十萬而得一劑可
足八仙人又曰金液入口則其身皆金色老子受之

明士贊曰鮑照詩淮南王學長生服食煉氣續仙經
真誥曰金液煉形神仙大真夫人傳曰仙方凡有九
品六名太清金液之華靈樞金景內經上界玉京注
曰玉京無爲天也古詩迢迢牛女星謝惠連詩去去
情彌遲吳越春秋勾踐將伐吳乃命國人與之訣而
國人悲哀作離別之聲鮑照詩倦客惡離聲陸機詩
馥馥芳袖揮泠泠纖指彈悲歌吐清響雅舞播幽蘭
此時惜別詎堪聞此地相看未忍分重吟真曲和清
吹却奏仙歌響綠雲綠雲紫氣向函關訪道應尋緱
氏山莫學吹笙王子晉一遇浮丘斷不還士贊曰列
仙傳王子
喬者周靈王太子晉也好吹笙作鳳鳴遊伊洛間遇
道士浮丘公接以上嵩高山四十餘年後于山中見
桓良曰告我家七月七日待我于緱氏山至是果乘
白鶴駐山頭望之不得到舉手謝時人而去時有童

謠曰王子喬好神仙七月七日上賓天白虎搖瑟鳳
吹笙乘雲鼓氣吹日精長不歸秋山露冷沾君衣曹
植詩一往不復還
此篇遊仙詩也

怨歌行

齊賢曰一作長安見內人出嫁令余代

也漢班婕妤好擬之見文選王僧虔技錄相和歌
楚調十曲有怨詩亦曰怨歌行亦曰明月照高樓

十五入漢宮花顏笑春紅君王選玉色侍寢金屏中

薦枕嬌夕月卷衣戀春風

士贇曰宋玉神女賦美貌橫生燁乎如花溫乎如瑩

注說文曰瑩玉色也禮記山立玉色漢羊勝屏風賦
曰屏風韜匝蔽我君王重施累秀沓璧連璋飾以文
錦映以流黃宋玉高唐賦曰願寧知逍飛燕奪寵恨

無窮沈憂能傷人綠鬢成霜蓬一朝不得意世事徒

為空

齊賢曰古辭有怨歌行班婕妤好擬之成帝初即位選入後宮俄而大幸為婕妤好後趙飛燕寵盛

婕妤好失寵稀復進見成帝崩婕妤充園陵薨宋玉笛賦武藝發沈憂曹子建詩曰去去莫復道憂沈令人

老即此意毛詩自如飛蓬王贊曰漢書班婕妤好自鴻

嘉後上稍淫內寵稀復進見趙飛燕譖婕妤好祝詛後

宮及主上遂退處東宮班婕妤好作自鵲鵲換美酒舞

悼賦惟人生兮一世忽一過兮若浮鵲鵲換美酒舞

永罷雕龍寒苦不忍言為君奏絲桐腸斷絃亦絕悲

心夜忡忡

齊賢曰西京雜記相如還成都以鸛鷖裘就楊昌貫酒史記騶忌以鼓琴見齊威王

王曰夫治國家何異絲桐之間哉詩憂心忡忡士贊

曰七略雕龍赫注曰言操修鄉行之術若雕鏤龍文

也此言雕龍者謂舞衣上之雕畫龍文也桓譚新論

神農削桐為琴繩絲為絃選七哀詩絲桐感人情樂

府有苦寒行鮑照詩行子心腸斷詩云我心傷悲列
子鍾期死伯牙絕絃又悲心更微此詩雖宮怨之體
然寄興深遠怨而不誹
其得國風之遺意歟

塞下曲六首

士贊曰樂府遺聲征戎十五曲中有塞下曲

五月天山雪。無花祇有寒。笛中聞折柳。春色未曾看。

齊賢曰漢西域傳天山冬夏常有雪士贊曰崔豹古今注橫吹胡樂也有黃鵠隴頭出關入關出塞入塞折楊柳單于赤之
曉戰隨金鼓。宵眠抱玉鞍。願將腰

下劍。直為斬樓蘭。

齊賢曰漢書傳介子齊金帛揚言以賜外國為名至樓蘭王貪漢物

來見使者介子與坐飲既醉曰天子使我私報王王起隨介子入帳中屏語壯士三人從後刺之立死王贊曰玉鞍見上注周禮鼓人掌六鼓四金之音聲以

嘗殺漢使者介子使大宛至樓蘭與其王飲酒
皆醉使壯士三人刺之立死遂持其首還詣闕

其二

天兵下北荒胡馬欲南飲橫戈從百戰直爲銜恩甚
握雪海上食拂沙隴頭寢何當破月氏然後方高枕
齊賢曰過秦論曰并吞八荒師古曰八方荒忽極遠
之地魏李伯謂張場曰我今當南飲江湖以療渴暢
曰若虜馬得飲江便爲無復天道戰國策衛蠲過免
胄橫戈而進楊雄諫曰北狄不服中國未得安枕高
寢王贊曰古詩胡馬依北風古樂府飲馬長城窟史
趙世家百戰百勝之術漢書蘇武使匈奴單于欲降
之乃幽武置大窖中絕不飲食天雨雪乃卧齧雪與
旃毛并咽之數日不死匈奴以爲神廼徙武北海上
無人處武至海上廩食不至掘野鼠去草實而食之
漢書賈誼曰陛下高枕終無山東之憂楚辭曰堯舜

背有舉在焉故高枕而自適漢書張良曰君安得高枕而卧楊雄解嘲世治則庸夫高枕而有餘此並用其字

其三

駿馬似風飈鳴鞭出渭橋彎弓辭漢月挿羽破天驕
陣解星芒盡營空海霧消功成盡麟閣獨有霍嫖姚

齊賢曰古今注曰始皇七馬一曰追風謝靈運詩鳴鞭適大河九域志渭橋在京兆高陵縣距府東北七十里天官書昴曰旄頭正義曰昴一星為旄頭胡星動搖若跳躍者胡兵大起西京雜記董仲舒曰太平之世霧不塞望浸淫被泊而已漢宮室疏曰麒麟閣蕭何造又張晏曰武帝獲麒麟時作閣蘇武傳圖畫其人於麒麟閣霍去病為嫖姚校尉士贊曰鮑照詩

陟故城在雍州高陽縣西南一里本名杜陵秦上三輔舊事云秦於渭南有興宮渭北有咸陽宮秦昭王欲通二宮之間造橫長橋三百八十步橋北京石水中舊有留神像此神曾與魯班語班令其出留曰我貌醜卿善圖相容不出班於是拱手與語曰出頭見我留乃出首班以脚畫地留覺之便沒水故置其象於水上唯有腰以上魏太祖馬見而驚命移下天驕事見三卷注

其四

白馬黃金塞。雲砂遶夢思。那堪愁苦節。遠憶邊城兒。
螢飛秋窓滿。月度霜閨遲。摧殘梧桐葉。蕭颯沙棠枝。
無時獨不見。流淚空自知。
齊賢曰古今注曰塞者塞也所以擁塞夷狄也易節卦彖曰苦節不可貞長楊賦曰永無邊城之災左太冲詩邊城苦鳴鏑詩梧桐生矣于彼朝陽上林賦沙

棠櫟櫟張揖注沙棠狀如棠黃華亦實其味如李無
核呂氏春秋曰果之美者沙棠之實王贊曰沈約宋
書薛健據黃金城周禮春官三曰思夢沈約詩神交
疲夢寐路遠隔思存鮑照詩實是愁苦節惆悵憶情
親謝元暉詩曰
故人心不見

其五

塞虜乘秋下天兵出漢家將軍分虎竹戰士臥龍沙
邊月隨弓影胡霜拂劍花玉關殊未入少婦莫長嗟
齊賢曰漢書匈奴至秋馬肥弓勁則入塞漢文帝叙
傳曰龍荒朔漠莫不來庭龍沙謂龍庭之沙鮑明遠
詩胡風吹朔雪千里度龍山漢高祖斬蛇劍十二年
一磨礪刃常如霜雪後漢班超久在絕域年老思歸
上疏曰臣不敢望到酒泉郡但願生入玉門關超妹
下三書上感其言召超還王贊曰淮南子天子之兵

有征無戰莫敢校之楊雄長楊賦曰天兵四臨前
文帝紀與郿守爲銅虎符竹使符應劭曰銅虎符第
一至第五國家當發兵遣使者至郡合符符合乃聽
受之竹使符者以竹箭五枚長五寸鐫刻篆書第一
至第五鮑照詩漢虜方未和邊城屢翻覆留我一白
羽將以分虎竹太初元年以李廣利爲貳師將軍期
貳師城取善馬至郿城郿城距之引還士不過什一
二上書乞罷兵武帝使使還玉門關曰軍有敢入斬
之貳師恐屯燉煌帝益發十八萬給之小國莫不迎
出食給軍平行至定城兵到者三萬圍其城四十餘
日宛邑人共殺王毋寡持其頭至貳師貳師取善馬
數十匹中馬以下壯牲三十餘匹立昧蔡爲宛王而
歸入玉門關者萬餘人馬千餘
匹乃下詔封廣利爲海西侯

其六

烽火動沙漠連照甘泉雲漢皇按劍起還召李將軍

兵氣天上合鼓聲隴底聞橫行負勇氣一戰淨妖氛

齊賢曰史記曰有寇至則舉烽火曹子建白馬篇曰揚聲沙漠垂注漠北方流沙也楊雄疏曰孝文時匈奴侵暴北邊候騎至雍烽火通其泉說苑曰秦帝按劍而坐鮑照詩曰天子按劍怒樊噲曰願得十萬衆橫行匈奴中王贊曰史記匈奴傳胡騎入伐匈奴注邊烽火通于其泉長安鄒陽書曰燕王按劍而怒李將軍傳匈奴入殺遼東太守敗韓將軍於是天子乃召拜廣爲右北平太守匈奴聞之號曰漢之飛將軍也過之數歲後漢地理志漢陽郡隴州有大坂名隴底左傳一戰而霸北史高琳爲後周名將周文帝宴群公仍賦詩琳詩曰寄言寶車驍多謝霍將軍何以報天子沙漠淨妖氛此六詩從軍樂之體也

來日大難士贊曰來日大難者即古樂府善哉

口燥唇乾言人命不可保當樂見

來日一身攜糧負薪長鳴食盡苦口焦唇今日醉飽

樂過千春

齊賢曰言始者貧苦今幸懽樂當思遠圖

中負薪墓間曹相善哉行曰來日大難口燥唇乾韓詩外傳曰乾喉焦唇仰天而嘆灌夫傳曰竇嬰召入

具言灌夫醉飽事不容誅王贊曰詩云既醉以酒既飽以德千春事見一卷仙人相存誘

我遠學海凌三山陸懋五嶽乘龍天飛目瞻兩角授

以仙藥金丹滿握蟪蛄蒙恩深愧短促思填東海強

銜一木

齊賢曰謝靈運詩越海凌三山五嶽泰山嵩山恒山華山衡山也黃帝乘龍上天抱朴子

曰服神丹令人壽無窮已乘雲駕龍上下太清莊子云蟪蛄不知春秋司馬曰蟪蛄寒蟬一名蜺蛄春生

夏死或曰山蟪秋鳴者不及春春鳴者不及秋山海經赤帝女名女娃游東海溺而不反化為精衛常銜

西山木石以填東海（士贊曰史封禪書蓬萊方丈瀛洲三神山在渤海中諸仙人不死藥皆在焉易曰時乘六龍以御天班固荅賓戲曰泥蟠而天飛者應龍之神也抱朴子曰合金丹之大藥又曰鄭君唯見授金丹之經又道重天地軒師廣成蟬翼九五以求長見二卷注

生下士大笑如蒼蠅聲

（齊賢曰軒轅黃帝名莊子云黃帝聞廣成子在崆峒之上

往見之順下風膝行而進再拜稽首而問曰敢問治身奈何可以長久屈原卜居曰蟬翼為重千鈞為輕老子曰下士聞道大笑之毛詩蒼蠅之聲士贊曰易乾卦九五飛龍在天利見大人疏曰猶若聖人有龍德飛騰而居天位也鮑照詩途窮悔短計晚至重長生詩意謂黃帝猶知以道為重師問廣成視天位猶蟬翼之輕以求長生久視之術而下愚之士乃戀戀浮榮聞道而笑亦可哀矣

大漢無中策匈奴犯渭橋五原秋草綠胡馬一何驕

齊賢曰嚴尤諫王莽曰匈奴爲害所從來久矣未聞上世有必征之者後世三家周秦漢征之然皆未有得上策周得中策漢得下策秦無策焉唐突厥傳叙曰推其至當周得上策秦得其中漢無策唐太宗初即位頡利將十萬騎襲武功太宗與高士廉房玄齡馳六騎出元武門幸渭上與可汗隔水語責其負約群酋見帝皆驚下馬拜翼日刑白馬與頡利盟于便橋上突厥引退九域志鹽州五原郡領五原白池二縣士贇曰三輔故事咸陽宮在渭北興樂宮在渭南秦昭王通兩宮之間作渭橋長三百八十步又關中記云石柱以北屬扶風石柱以南屬京兆也漢書地理志五原郡屬朔方郡本秦九原郡武帝元朔二年更名建武時置降匈奴五原塞王瓚詩朔風動秋草邊馬有歸心鮑照詩將死胡馬跡

命將征

西極橫行陰山側燕支落漢家婦女無華色

齊賢曰前漢匈奴

奴傳應侯曰北邊塞至遼東外有陰山東西千餘里
草木茂盛多禽獸本冒頓依阻其中匈奴名妻閼氏
言可愛如嚙脂西河舊事歌曰失我閼氏山使我婦
女無顏色王贊曰漢書樂歌天馬徠自西極漢書樊
噲願以十萬衆橫行匈奴中燕支
山事見四卷幽州胡馬客歌注
轉戰渡黃河休兵

樂事多蕭條清萬里瀚海寂無波

齊賢曰史記曰驃騎將軍過焉支干

餘里封於狼居胥山禪姑衍臨瀚海而還瀚北海名
王贊曰史匈奴傳北州已定願寢兵休士卒養馬除
前事復故約以安邊民世世平樂謝靈運詩叙賞心
樂事班固燕然山銘曰然後四校橫徂星流彗掃薰
條萬里野無遺寇史匈奴傳驃騎將軍封於狼居胥
山禪姑衍臨瀚海而還注如淳曰瀚海北海名正義
曰按瀚海自一大海群鳥解羽伏乳於此因名也禮
斗威儀曰其君乘木而王其政象平則江海不揚波
謝玄暉詩江海既無波唐史突厥頡利自武德便橋

突厥靖率勁騎三千趨惡陽嶺襲定襄破之可汗脫身遁磧口走保鐵山靖督兵疾進襲擊之盡獲其衆頡利獨奔沙鉢羅行軍副總管張寶相禽之其國遂亡於是斥地自陰山北至大漠矣初破定襄帝喜曰靖以騎三千蹀血虜庭取定襄古未有韋足澡吾渭北之耻矣事見唐書李靖及突厥傳此詩是美頌一時勲德借漢爲喻也

玉階怨

齊賢曰謝朓玉階怨夕殿下珠簾流螢飛復息王贊曰王僧虔技録相和歌楚

調十曲有玉階怨太白此篇無一字言怨而隱然幽怨之意見於言外晦菴所謂聖於詩者此歟

玉階生白露夜久侵羅襪却下水晶簾玲瓏望秋月

齊賢曰西都賦曰玉階彤庭西京賦金庀玉階漢書昭陽含黃金塗白玉階傳長虞詩攜手升玉階南都

賦曰羅襪躡蹠而容與洛神賦羅襪生塵士贊曰漢書班婕妤好為趙飛燕諸退處東宮作賦自悼云華殿塵兮玉階苦後漢大秦國以水晶為柱食器水晶簾以水晶為之如今之琉璃簾也

襄陽曲四首

士贊曰樂府正聲清商曲有襄陽樂宋隋王誕始為襄陽郡元嘉末

仍為雍州夜聞諸女歌註因為之詞焉宋劉道彥為雍州有惠化百姓歌之謂之襄陽樂非此也古詞云朝發襄陽城暮至大堤宿大堤諸女兒花艷驚郎目太白此詩述史而已

襄陽行樂處歌舞白銅鞮江城回渌水花月使人迷

齊賢曰九域志襄州襄陽郡治襄陽縣楊惲曰人生行樂耳白銅鞮曲名渌水漢水也士贊曰樂府都邑二十四曲有白銅鞮歌亦曰襄陽日銅鞮何晏景福殿賦渌水浩浩

齊賢曰晉山簡鎮襄陽唯酒是耽諸習有佳園池簡
出遊多之池上置酒輒醉名之曰高陽池時兒童歌
曰山公出何許往至高陽池日夕倒載歸酩酊無所
知時時能騎馬倒著白接羅舉鞭問葛疆何如并州
兒王贊曰韻釋接羅白帽也接或作睫羅或作羅鵓
通作攤爾雅注睫攤江東取白頭翅背上長翰毛以
為睫一名之
曰白鷺鵓

其三

峴山臨漢江水綠沙如雪上有墮淚碑青苔久磨滅

齊賢曰峴山在襄陽南十里晉羊祜傳祜樂山水每
風景必造峴山言詠終日不倦卒時年五十八帝哭
之甚哀南州人証市人聞祜喪莫不號慟罷市其仁
德所感如此襄陽百姓於峴山祜平生遊憩之所建

碑立廟歲時祭享望其碑者莫不流涕杜預因名爲
墮淚碑王贊曰襄陽圖經漢江出自嶓冢謝靈運詩
曰圖謀復磨滅

其四

日醉習家池莫看墮淚碑山公欲上馬笑殺襄陽兒

齊賢曰晉書習郁家有大池王贊曰南史垣崇祖傳曰自可拍手笑殺

大堤曲

齊賢曰古今樂錄大堤曲隋王誕爲襄州時作張柬之大堤曲曰南國多佳人

莫若大堤女王王贊曰樂府遺聲都邑三十四曲有大堤曲

漢水臨襄陽花開大堤暖佳期大堤下淚向南雲滿

齊賢曰禹貢嶓冢道遶東流爲漢襄陽在漢水之陰

堤諸女兒花艷驚郎口春風無復情吹我夢魂散

見眼中人天長音信斷齊賢曰魏文帝詩回頭四向望眼中無情人陸士龍詩髮

髯眼中人王贊曰謝玄暉詩故心人不見思玄賦天長地久歲不留梁簡文樂府常歡林辭曰分手桃林

岸遂別峴山頭若欲寄音信漢水向西流

宮中行樂詞八首

奉詔作王贊曰樂府遺聲行樂四十八曲有宮中行樂詞

小小生金屋盈盈在紫微山花插寶髻石竹繡羅衣

每出深宮裏常隨步輦歸只愁歌舞散化作綵雲飛

齊賢曰古詩盈盈樓上女辛氏三秦記曰未央宮一名紫微宮美女篇曰羅衣何飄飄左傳襄公人生於深

宮之中西都賦乘茵步輦應劭漢官儀曰皇后嬪嬙乘輦餘皆以茵四人輿以行李曰外傳開元中沉香

亭牡丹開上乘照夜車太真妃以步輦從王贊曰貯
嬌金屋見前注西都賦煥若列宿紫宮是環晉天文
志紫宮垣十五星紫微大帝之座天子之常居也洛
神賦披羅衣之璀璨長門賦下蘭臺而周覽兮步從
容於深宮

其二

柳色黃金嫩梨花白雪香玉樓巢翡翠金殿鎖鴛鴦

選妓隨雕輦徵歌出洞房宮中誰第一飛燕在昭陽

齊賢曰十洲記承淵有金臺玉樓上林賦注翡翠大
小如雀雄赤曰翡翠雌赤曰翠江淹詩列坐金殿側古
今主鴛鴦匹鳥楚辭姱容修態組洞房陸機詩洞房
結阿閣漢書孝成趙皇后弟絕幸為昭儀居昭陽官

唐杜鰲秦樹蒲萄出漢宮。煙花宜落日。絲管醉春風。
笛奏龍吟水。蕭鳴鳳下空。君王多樂事。還與萬方同。
齊賢曰。上林賦。盧橘夏熟。櫻桃蒲萄。羅乎後宮。應劭
曰。伊尹書箕山之東。有盧橘。夏熟。大宛馬嗜苜蓿。其
國以蒲萄爲酒。富人藏酒。至萬餘石。久者至數十歲。
不改。漢使求蒲萄苜蓿。種歸。天子種之。離宮別館之
傍。元壽二年。單于來朝。舍之上林苑。蒲萄宮。秦穆公
女弄玉攻簫作鳳鳴。鳳凰來止其屋。謝靈運詩。序曰。
賞心樂事。士贇曰。史大宛傳。宛蒲萄爲酒。俗嗜苜蓿。馬
嗜苜蓿。漢使取其實來。於是天子始種苜蓿。蒲萄肥
饒。地及天馬多。外國使來。衆則離宮別館。旁盡種蒲
萄。苜蓿。極望。前漢志。絲曰絃。竹曰管。張禹傳。後堂理
絲竹。管絃。馬融笛賦。近世羌笛。從羌起。龍吟水中。不
見已。截竹吹之。聲相似。荀子。鳳凰啾啾。其聲若簫。書
簫韶九成。鳳凰來儀。東都賦。聖上覩萬方之歡娛。

其四

玉樹春歸日。金宮樂事多。後庭朝未入。輕輦夜相過。
笑出花間語。嬌來竹下歌。莫教明月去。留著醉嫦娥。

齊賢曰。甘泉賦。翠玉樹之青蔥。李善注。漢武故事。止起神屋前庭。植玉樹。珊瑚爲枝。碧玉爲葉。淮南子曰。羿請不死之藥于西王母。其妻嫦娥竊之。奔于月。王實曰。樂府玉樹後庭花。陳後主所作。常與宮女學士及朝臣相和爲詩。太樂令孫其尤輕艷者。以爲此曲。

其五

繡戶香風暖。紗牕曙色新。宮花爭笑日。池草暗生春。

鮑照詩艷陽桃李節王贊曰鮑照詩文牕繡戶垂羅
幕唐禮樂志天授鳥歌武后作也天授年號鳥歌者
有鳥能人言萬歲因以制樂昭陽殿名見前注長楊
賦云張羅綺之幔帷今垂楚組之連
網江淹別賦云羅與綺兮嬌上春

其六

今日明光裏還須結伴遊春風開紫殿天樂下珠樓
艷舞全知巧嬌歌半欲羞更憐花月夜宮女笑藏鉤

齊賢曰漢武故事土起明光宮三輔舊事桂宮內有
明光殿成帝紀神光祥集紫殿謝眺詩紫殿肅清陰
三秦記曰漢鉤戈夫入手拳時人效之自為藏鉤風
土記藏鉤之戲分二曹以較勝負若人偶則敵對若
奇則使一人為游附或屬上曹或屬下曹為飛鳥又
曰為此戲必於正月風土記在臘祭後也庾闡藏鉤

賦曰予以臘後命中外以行鉤為戲殷敬順曰疆與
掘同衆人分曹手藏物採取之剩一人則往來於兩
棚謂之餓鷗渚宮故事曰殷仲堪與桓玄共藏鉤一
明百籌桓朋欲不勝惟餘虎探在顧愷之為殷仲堪
參軍屬疾在解桓遣信請顧起射取虎探愷之來坐
定語顧曰君可取鉤顧荅曰賞百疋布顧郎取得鉤
桓朋
遂勝

其七

寒雪梅中盡。春風柳上歸。宮鶯嬌欲醉。簷燕語還飛。
遲日明歌席。新花艷舞衣。晚來移綵仗。行樂泥光輝。
齊賢曰毛詩春日遲遲燕語曰唐制以宣政為前殿
謂之正衙紫宸為便殿謂之上閣方其盛時宣政常
月日見祥亞遇朔望寢薦食然後御紫宸旋傳宣

之禮遂廢楊惲書曰人生行樂耳

其八

水綠商薰殿。花紅北闕樓。鶯歌聞太液。鳳吹繞瀛洲。
素女鳴珠珮。天人弄綵毬。今朝風日好。宜入未央遊。

齊賢曰漢書蕭何作未央宮立東闕北闕史武帝作建章宮其北治大池漸臺高二十餘丈名曰太液池中有蓬萊方丈瀛洲象海中神山丘遲詩馳道聞鳳次吳都賦嫋嫋素女韓詩外傳鄭交甫遵漢臯臺下遇二女佩明末大如荆雞卵王贊曰家語舜彈五絃之琴歌南風之詩曰南風之薰兮可以解吾民之愠兮淮南子曰素女黃帝時方術女張衡思玄賦素女撫絃而餘音維摩詰經此室常作天人第一之樂絃出無量法化之聲

清平調詞三首

齊賢曰樂史序太白事曰天寶中白供奉翰林禁中初重木芍

藥得四本紅紫淺紅通白者移植於興慶池東沉香亭會花開上乘照夜車太真妃以步輦從詔選梨園中弟子尤者得樂一十六色李龜年以歌擅一時手捧檀板押眾樂前欲歌之上曰貴名花對妃子焉用舊樂詞遂分龜年持金花牋宣賜李白立進清平調三章白承詔宿醒未解因援筆賦之龜年歌之太真妃持領梨七寶杯酌西涼州蒲萄酒笑領歌辭意甚厚上因調玉笛以倚曲每曲徧將換則遲其聲以媚之太真飲罷歛綉巾重拜上自是顧李翰林尤異於學士士贊曰唐禮樂志平調清調周房中樂遺聲

雲想衣裳花想容春風拂檻露華濃若非群玉山頭

下齊賢曰穆天子傳穆天子西登

見有娥之佚女陸機前緩聲歌云北微瑤臺女

其二

一枝穠艷露凝香。雲雨巫山枉斷腸。借問漢宮誰得

似。

可憐飛燕倚新粧。

齊賢曰孝成趙皇后本長安人屬陽阿主家學歌舞號曰飛燕

成帝微行過陽阿主作樂見飛燕說之召入宮大幸

許后廢立為后後寵少衰樂史太白遺事曰白既為

此詞太真常吟之高力士終以脫靴為深耻曰始以

妃子怨李白深入骨髓何翻拳拳如是耶妃驚曰何

翰林學士能辱人如斯力士曰以飛燕指妃子賤之

甚矣妃頰然之上常三欲命白官卒為宮中所捍而

止王贊曰傳者謂高力士指摘飛燕之事以激怒貴

妃予謂使力士而知書則雲雨巫山豈不尤甚乎高

唐賦序謂神女常薦先王之枕席矣後序文曰襄王

復夢遇焉此云枉斷腸者亦譏其曾為壽王妃使壽

李詩南主

卷五

二一

王而未能忘情是在斷腸矣詩人比事引興深切著明特讀者以為常事而忽之耳

其三

名花傾國兩相歡。長得君王帶笑看。解釋春風無限

恨。沉香亭北倚闌干。

齊賢曰名花指牡丹傾國指妃子沉香亭以沉香為之如栢梁

臺以栢香為之也傾國事李延年歌並見前王寶曰太白詩用意深遠非洞悟三百篇之旨趣者未易窺其藩籬晦庵所謂聖於詩者是也清平樂詞宮中行樂詞其中數首全得國風諷諫之體如玉樓巢翡翠金殿鎖鴛鴦是諷其金殿玉樓不為延賢之地徒使女子小人居之也選妓隨班輦徵歌出洞房是諷其不好德而好色不聽雅樂而聽鄭聲也宮中誰第一飛燕在昭陽是以飛燕比貴妃妃與趙飛燕事迹全相類蓋欲使明皇以古為鑒知飛燕之為漢禍始而

宴之樂而臨政視事於未央也是時明皇有聲色之
或多不視朝故因及之也言在於此意在於彼正得
諷諫之體太白纔得近君當時人所難言者即寓諷
諫之意於詩內使明皇因詩而有悟其
社稷蒼生庶有瘳乎豈曰小補之哉

鼓吹入朝曲

士贇曰鼓吹入朝曲即漢短簫鏡
歌二十二曲中之鼓吹曲也太白

命題添入朝字耳或者
謂諷永王入朝而作

金陵控海浦淶水帶吳京
鏡歌列騎吹颯沓引公卿

槌鐘速嚴妝伐鼓啓重城

齊賢曰唐昇州今建康府
楚共王埋金故曰金陵謝

元暉鼓吹曲金陵帝王州逶迤帶淶水古今注短簫
鏡歌軍樂也黃帝使岐伯作以建武揚盛德勸戰士
也周禮所謂王大捷則令凱樂軍大捷則令凱歌者
也漢樂者黃門鼓吹天子所以宴樂群臣短簫鏡歌

鼓吹一章以賜有功諸侯鮑明遠詩賓御紛颯沓樂
書曰梁陳田臘制獵日侍中三奏一奏鼙一鼓為一
嚴三嚴訖引仗為小駕鹵簿皇帝乘馬戎服王贊曰
金陵即今之建康也吳大帝自京口徙此遂都焉建
康志曰以其地接華陽金壇之陵韋仲將景福殿賦
淥水泱泱頗延年詩禁衛徙吳京樂府漢晉有短簫
鐃歌二十二曲騎吹者即唐禮樂志所謂北狄樂皆
馬上之聲自後漢以鼓吹為軍中樂馬上奏之毛詩
鉦人伐鼓
陳師鞠旅
天子憑玉几劒履若雲行日出照萬戶簪

裾爛明星朝罷沐浴閑遨遊閭風亭濟濟雙闕下歡

娛樂恩榮齊賢曰尚書憑王几周禮天子左右玉几

洗沐歸謁親離騷登閭風而縹馬注閭風山名在崑
崙上毛詩濟濟多士吳都賦曰朱闕雙立選詩朝野
多歡娛孫綽天台賦雙闕雲聳以夾路鮑照詩雙闕

金得國風之體其為風永王璘入朝無疑末句歸美
朝罷休閑歡娛如此恩榮
如此其氣槩亦可見矣

秦女休行

古詩魏朝協律郎謝左延年所作今擬之

西門秦氏女秀色如瓊花手揮白楊刀清晝殺雙家
羅袖灑赤血英氣凌紫霞直上西山去關吏相邀遮
壻為燕國王身被詔獄加犯刑若履虎不畏落爪牙
素頸未及斷摧眉伏泥沙金雞忽放赦大辟得寬賒

何慚聶政姊萬古共驚嗟

齊賢曰陸機詩鮮膚一何潤秀色若何餐劉琨詩右

手携龍淵楊脩箋曰流千載之芳聲陸機詩輕舉乘
紫霞魏文帝詩西山一何高鮑照詩雞鳴關吏起羽

李詩補注

卷五

二十六

獵賦曰前後要遮易云履虎尾不啗人亨漢書爪牙
信布唐百官志中尚署令掌供赦日樹金雞於仗南
竿長七尺有雞高四尺黃金飾首銜絳幡長七尺承
以絲盤維以絳繩將作監供焉擊柝鼓千聲集百官
父老因徒坊小兒得雞首者官與錢購或取絳幡而
已書呂刑大辟之罰其屬二百史聶政爲嚴仲子報
仇刺殺韓相俠累因自破面抉眼自屠出腸遂死韓
取聶政尸暴於市購問莫知誰聶政姊榮聞如韓市
伏尸哭極哀曰是軹深井里所謂聶政者也以妾尚
在之故重自刑以絕從妾其奈何畏沒身之誅終滅
賢弟之名大驚韓市人乃大呼天者三卒于邑悲哀
而死政之旁晉楚齊衛聞之皆曰非獨政能也乃其
姊亦烈女也士贊曰漢刑法志詔獄逮繫長安王商
傳詣若盧詔獄校乘七發曰此戲猛獸之爪牙也此
言勇於報仇冒犯刑憲如履虎尾而不畏落虎之爪
牙也隋書曰禮儀志遇赦日則武庫令設金雞及鼓
於閭門外之右集囚於

秦女卷衣裳士贇曰樂府遺聲
府麗四十七曲有秦女卷示

天子居未央妾侍卷衣裳顧無紫宮寵敢拂黃金牀

水至亦不去熊來尚可當微身奉日月飄若螢之光

願君采葑菲無以下體妨齊賢曰漢書蕭何作未央

元命包曰紫之言此也宮之言中也外國傳斯調王
作金牀上天竺佛清舍莊子尾生與女子期於橋下
女子不來水至不去抱梁柱而死漢書元帝行幸虎
園開獸後宮皆從熊逸出樹攀檻欲上殿左右皆驚
走馬婕妤直前當熊而立左右格殺熊上問何故當
熊對曰猛獸得人而止妾恐熊至御座故以身當之
詩采葑采菲無以下體葑蔓青菲士瓜此二菜者皆
上下可食然其根有美時有惡時采之者不可以根

李詩補注

卷五

二二

惡時并棄其葉王贊曰劉向列女傳曰楚昭王夫人齊女也昭王出遊留夫人漸臺上江水大至遣使者迎夫人忘持符夫人曰王與宮人約召必以符今使者不持符妾不敢行於是使返取符未還臺已壞沉水而死微身奉日月飄若螢之光正出晉傳咸螢賦之意賦曰不以資質之鄙薄兮欲增耀乎太清雖無補於日月兮期自照於陋形當朝陽而戢景兮必宵昧而是征進不競於大光兮退在晦而能明諒有似於賢臣兮疎外而盡誠此用其志亦比興之作焉觀其末章亦微而顯矣江淹詩恩細被微身潘岳詩微身輕

蠅翼

東武吟

一作出東門後書懷留別翰林諸公

樂奏古辭云出東門不顧歸言士有貧不安其居拔劍去妻子牽衣留之願共餽糜斯足不來

富貴也太白詩判自求其志也又王僧虔支錄

好古笑流俗素聞賢達風方希佐明主長揖辭成功

白日在高天迴光燭微躬

王贊曰尚書序好古博雅君子孟子曰同乎流俗陶

潛詩賢達無奈何漢書酈生長揖不拜左思詩功成不受賞楚辭晞白日兮皎皎左思詩皓天錄白日曹植通親親表若葵藿之傾太陽雖不爲迴光然向之者誠也臣竊自此葵藿若垂三光之明實在陛下

恭承鳳凰詔歛起雲蘿中清切紫霄迴優游丹禁通

齊賢曰事始曰石季龍置戲馬觀上安詔書用五色紙銜於木鳳口而頒行梁簡文賦曰升紫霄之丹地排玉殿之金扉史記景帝居禁中禁中門戶有禁非持御不得入王贊曰賈誼賦曰恭承嘉惠兮晉書晉元帝踐祚凡諸侯牋奏批之曰諾草書若字字君王尾如鳳尾故云鳳尾詔劉公幹詩拘限清切禁

賜顏色聲價凌煙虹乘輿擁翠蓋扈從金城東寶馬

麗絕景錦衣入新豐

齊賢曰顏延年赭白馬賦曰聲價隆隆孟子曰今乘輿已駕矣

東京賦樹翠羽之高蓋孫子曰金城十仞史記金城千里上林賦曰扈從橫行出乎四校之中明皇常賜太白錦袍士贇曰史范睢傳願得少賜游觀之間望見顏色鮑照詩輝石亂烟虹後漢輿服志乘輿大駕公卿奉引太僕御大將軍參乘屬車八十一乘千乘萬騎名曰鹵簿楊雄甘泉賦於是乘輿乃登夫鳳凰兮而翳華枝流星旄以雷燭兮咸翠蓋而鸞旗高唐賦曰蜺為旌翠為蓋史李斯上書曰中廐之寶馬臣得賜之漢朱買臣傳上拜買臣會稽太守謂買臣曰富貴不歸故鄉如衣錦夜行今子何如新豐見四卷

注依巖望松雪對酒鳴絲桐因學楊子雲獻賦甘泉

齊賢曰顏延年請備巖

泉還奏甘泉賦以風選詩片善辭草萊咸陽秦漢所
都今京兆咸陽縣是王公乃諸王三公也王贊曰曹
孟德詩對酒當歌謝莊月賦絲桐練響陸機文賦誦
先人之清芬書微子之命與國咸休永世無窮孟子
古之賢士何獨不然樂其道而忘人之勢故王公不
致敬盡禮則一朝去金馬飄落成飛蓬賓客日疎散
不得亟見之

玉樽亦已空

齊賢曰西都賦承明金馬著作之庭史記宦者門傍有銅馬故謂金馬門商君

書曰飛蓬遇飄風而行千里乘風之勢也王贊曰漢書公孫弘傳待詔金馬門詳見一卷史孟嘗君廢諸客皆去馮驩曰富貴多士貧賤寡交事之固然也今君失位而賓客皆去事之固然也漢書孔融喜後進賓客日盈其門嘗嘆曰坐上客常滿樽方力猶可倚中酒不空吾無憂矣此反其意而用之

不慚世上雄閑作東武吟曲盡情未終書此謝知己

吾尋黃綺翁

齊賢曰司馬汨如傳昆弟諸公更謂玉孫曰長卿故倦游雖貧其人材足依也

左思齊都賦注東武太山皆齊之士風絃歌謳吟之曲名也王贊曰史別客傳聶政曰士為知己死北詩乃太白放黜之後作此以別知己者抱才於世始遇而卒不合見知而不見用卒章曰閑作東武吟曲盡情未終書此謝知己吾尋黃綺翁倦思不忘之意悠然見於辭外亦可慨嘆也矣

邯鄲才人嫁為廝養卒婦

王贊曰樂府遺聲佳麗四十八曲有邯鄲

才人嫁為廝養卒

婦蓋古有是事也

妾本崇臺女揚蛾入丹闕自倚顏如花寧知有彫歎

齊賢曰御覽云趙武靈王起崇臺九域志叢臺在磁州盜陽郡揚蛾蛾眉也杜預注左氏歇盡也鮑照詩容華坐凋歇王贊曰崇臺在邯鄲蓋趙女也漢書高

又神女賦燁乎如花溫乎如瑤鮑照詩年貌不可還
身意會盈歇梁庾師一辭玉階下去若朝雲沒每憶
成詩坐使紅顏歇

邯鄲城深宮夢秋月君王不可見惆悵至明發

齊賢曰西

京賦金虬玉階宋玉高唐賦旦為朝雲暮為行雨邯
鄲縣在磁州東北七十里前漢音義曰邯山名邯盡
也邯山至此而盡毛詩明發不寐士贊曰江淹別賦
應門閉兮玉階苔曹植詩朝雲不歸山邯鄲趙都城
長門賦下蘭臺以周覽兮步從容於深宮晉書宋纖
傳曰名可聞而身不可見張衡詩路遠莫至倚惆悵
袁淑詩沉憂懷明發此詩太白既黜之作也特借此
發興叙其睽遇之始末耳然其辭意睠顧宗國繫心
君王亦得騷
之遺意歟

出自薊北門行

齊賢曰鮑明遠有出自薊北門
行注薊故燕國士贊曰樂府遺

聲都邑三十四曲有出自薊北門行太白此詞則必為開元天寶之際命將征伐吐谷渾奚怒吐蕃而

作也

虜陣橫北荒胡星耀精芒羽書速驚電烽火晝連光

虎竹救邊急戎車森已行

齊賢曰羽書羽檄也漢高祖曰吾以羽檄徵天下兵

虞子陽詩羽書時斷絕風俗通曰文帝時烽火通甘泉詩云戎車旣安王贊曰北荒及明星見四卷注漢

高帝紀吾以羽檄徵天下兵師古曰檄者以才簡為

書長尺二寸用徵召也有急事則加以鳥羽挿之示

疾速也陶潛詩倏如流電驚鮑照詩羽檄起邊城烽火入咸陽虎竹符名見前塞下曲注鮑照詩分兵救

朔方又要途問邊急詩

云元戎十乘以先啓行明主不安席按劍心飛揚推

之

戰曰闕以外將軍制之謝萬曰四坐皆猛將史記匈奴傳單于益北絕幕應劭曰幕沙幕匈奴之南界臣墳曰沙土曰幕直度曰絕王贊曰晉書景帝紀景帝將誅曹爽深謀秘策獨與帝潛畫文帝弗之知將發夕乃告之既而使人視之帝寢如常而文帝不能安席此用其字漢鄒陽傳莫不按劍而相盼者說苑秦始皇按劍而坐楚辭心飛揚兮浩蕩漢書馮唐曰古之王者遣將也跽而推轂曰闕以內寡人制之闕以外將軍制之戰國策綴甲厲兵校勝於戰場漢書大將軍青驃騎將軍去病中分軍咸約絕幕擊匈奴單于潰圍西北遁走史匈奴傳處北地寒殺氣早降爾雅穹蒼

列卒赤山下開營紫塞傍孟冬風沙緊旌旗

天也
颯彫傷盡角悲海月征衣卷天霜齊賢曰七命曰赤

門行曰疾風衝塞起砂礫自飄揚又曰旌甲被胡霜詩悠悠旆旌士贊曰唐地理志開元二年復置松漠

李詩甫注

卷五

都督府領州入以伏部分置赤山州紫塞事並揮刃
見四卷注江淹詩孟冬郊祀月殺氣起嚴霜

斬樓蘭彎弓射賢王單于一平蕩種落自奔亡收功

報天子行歌歸咸陽齊賢曰漢書音義曰單于者廣大之貌言其象天單于然士贊

曰西京賦彎弓射乎西羗史匈奴傳匈奴官號置左右賢王匈奴謂賢曰屠耆故常以太子為左屠耆王傳介子斬樓蘭王事並見前漢書匈奴傳單于姓攣鞮氏其國稱之曰樛黎孤塗單于而匈奴謂天為樛黎謂子為孤塗單于者廣大之貌也言其象天故曰樛黎孤塗單于種落者謂宗種部落也北史高琳詩曰何以報天子沙漠靜妖氣此詩天寶以前之作也有頌之體焉

洛陽陌士贊曰樂府遺聲都邑

三十四曲有洛陽陌

曰曹植詩借問誰家子古詩回車駕言邁天津橋名
風俗通南北曰阡東西曰陌水
經曰水北為陽洛陽洛水之北

北上行

士贊曰樂府征行曲太白此詞則言從軍征役之苦

北上何所苦北上緣太行磴道盤且峻巉巖凌穹蒼

馬足蹶側石車輪摧高崗

齊賢曰九域志太行山在懷州西京賦曰下嶄巖以

齟齬魏武苦寒行曰北上太行山艱哉何巍巍羊腸

坂詰屈車輪為之摧士贊曰西都賦賦磴道而超西

壩西京賦磴道灑倚而正東注磴道閣道也高唐賦

登巉巖而下至兮素濤詩高巖暨穹蒼詩云陟彼高

崗沙塵接幽州烽火連朔方殺氣毒劒戟嚴風裂衣

炭奔鯨夾黃河鑿齒屯洛陽

齊賢曰此詩乃祿山初反作也鑿齒指祿山奔

鯨指史思明崔乾祐之徒謝元暉詩曰奔鯨自此曝
長楊賦曰鑿齒之徒相與磨牙而爭之應劭淮南子
注曰堯時窳窳封豕鑿齒皆為人害窳窳類貙虎爪
食人服虔曰鑿齒長五尺似鑿亦食人王贊曰繁欽
述行賦茫茫河濱實多沙塵尚書宅朔方曰幽都唐
地理志有幽州范陽郡大都督府縣名幽都鮑照詩
烽火入咸陽分兵救朔方漢書地理志武帝開朔方
郡殺氣見前注袁淑詩曰四面各千里縱橫起嚴風
韋曜集曰秋風揚沙塵寒露沾衣裳前行無歸日返顧思舊鄉慄慄水
雪裏悲號絕中腸尺布不掩體皮膚劇枯桑汲水澗
谷阻採薪隴坂長王贊曰劉楨詩水霜正慘愴魏文
帝詩念君客遊思斷腸慄慄思歸
戀故鄉又向風長嘆息斷絕我中腸陸機詩凝冰結
重澗積雪被長巒漢書民謡曰一尺布尚可縫淮南
子布衣掩形鹿裘禦寒曹植詩毛褐不○形涅繫經

九曲不知高幾里張衡詩曰欲往從之隴坂長
又掉尾磨牙皓秋霜草木不可食饑飲零露漿歎此
北上苦停驂爲之傷何日王道平開顏覩天光
齊賢曰古詩還顧望舊鄉陸機詩曰饑待零露食王贊曰古猛虎行辭云饑不從猛虎食陸機詩猛虎憑林肅玄猿臨岸嘆夕宿喬木下慘愴恒鮮歡渴飲堅冰漿饑待零露食書王道平平謝靈運詩開顏披心胃按北上行者征行之曲言行役者之苦也太白此詩其作於至德之後乎隱然有國風愛君憂國勞而不怨厭亂思治之意讀者其毋忽諸

短歌行

王贊曰樂府詩古皆有此詞言人壽不可得長思與知友及時爲樂並自戒勗

之意太白此詞雖擬之然其辭意則出於騷肆爲誕辭以寄興而已

白日何短短百年苦易滿蒼穹浩茫茫萬劫太極長

麻姑垂兩鬢一半已成霜天公見玉女大笑億千場

吾欲攬六龍迴車挂扶桑北斗酌美酒勸龍各一觴

富貴非所願與人駐顏光

齊賢曰陸士衡歌曰來日苦短去日苦長劫世也儒

謂之世道謂之塵佛謂之劫麻姑見王方平年可十八九頭作三角髻餘髮散至腰神異傳曰東王公與王女投壺設有不接天為之笑開口流光今電是也春秋命曆序曰皇伯登出扶桑日之陽駕六龍以上下楚辭曰馳六龍於三危兮朝西龍於九濱離騷曰飲余馬於咸池兮總余轡於扶桑毛詩維北有斗不可以挹酒漿小司命曰援北斗兮酌桂漿淵明歸去來詞曰富貴非吾願士贇曰曹植詩驚風飄白日光景馳西流盛時不可再百年忽我迴蒼穹天也楚辭

詳所祖恐只大人賦西王矐然白首之推也神仙傳
天公與玉女投壺梟而脫誤不接天
為之笑所以為電選詩迴車駕言邁

空城雀

王贊曰夾添先生樂府遺聲序論曰遺聲者逸詩之流也今以義相從分二十

五正門二十附門總四百十八曲無非雅言幽思當採其目以俟可考今採其詩以入涼聲樂府內鳥獸二十一曲有空城雀却不言所始太白此詞則假雀以興孤介之士安於命義幸得祿仕以自養苟避讒妒之患足矣不肯依附權勢踰分貪求也

嗷嗷空城雀身計何戚促本與鷦鷯群不隨鳳凰族

齊賢曰詩云鴻鴈于飛哀鳴嗷嗷東哲詩嗷嗷林鳥受哺于子毛詩義疏曰桃蟲今鷦鷯微小黃雀也方言曰桑飛郭璞注曰即鷦鷯也關東謂之工雀又云女工又云巧婦又云女匠張茂先鷦鷯賦曰巢林不

過一枝每食不過數粒屈原惜誦曰鸞鳥鳳凰以
遠兮燕雀鳥鵲巢堂壇兮王贊曰莊子云鵲巢于
深林不過一枝大戴禮羽蟲三十六而鳳凰為之長
說文朋及鵬皆古文鳳字也朋鳥象形鳳飛群鳥從
以萬數故以提攜四黃口飲乳未嘗足齊賢曰家語
鵬為朋黨也王贊曰劉向說苑孔子見羅者其所
得者皆黃口也孔子曰黃口盡得大爵獨不得何也
羅者對曰黃口從大爵者不可得大爵從黃口者可得
孔子額謂弟子曰君子慎所從不得其人則有羅
網之患食君糠粃餘常恐鳥鳶逐王贊曰劉向新序鄒
以糶無得以粟於是倉無糶而求易於民二石粟而
得一石糶吏以為費請以粟食之穆公曰去非汝所
知也夫百姓飽牛而耕暴背而耘豈為鳥獸哉粟米
人之上食奈何其以養鳥夫取倉之粟而移之於民
此非吾之粟乎鳥苟食鄒之糶不害食之粟也粟之

鳥食耶詩不涉太行險益

部者舊傳曰楊宣為河內太守行縣有群雀鳴桑樹

上宣謂吏曰前有覆車粟王贊曰呂氏春秋天地之

間土有九山何謂九山曰太行羊腸淮南子注曰太

行山在河內野王縣北也選苦寒行北上太行山艱

哉何魏上羊腸坂天命有定端守分絕所欲齊賢曰

詰曲車輪為之摧孟子曰

莫之為而為者天也莫之至而至者命也王贊曰周

易曰樂天知命故不憂陶潛辭曰樂夫天命復奚憂

謝宣遠詩來晨無定端

菩薩蠻王贊曰按此二詞至今其調猶存其所自始乎

平林漠漠烟如織寒山一帶傷心碧暝色入高樓有

人樓上愁王贊曰謝玄暉詩遠樹暖阡阡生烟紛漠

漢謝靈運詩林壑變暝色古詩明月照高

李詩補注 卷五 三二 四四

樓

玉階空佇立宿鳥歸飛急何處是歸程長亭連短

亭

士贊曰詩云瞻望弗及佇立以泣又弁彼鸞斯歸飛提提陸機詩仰瞻凌霄鳥美爾歸飛翼

憶秦娥

簫聲咽秦娥夢斷秦樓月秦樓月年年柳色灞陵傷

別

士贊曰古樂府日出東南隅照我秦氏樓灞陵見前注

樂游原上清秋節咸

陽古道音塵絕音塵絕西風殘照漢家陵闕

士贊曰西京雜

記漢有樂遊苑陸機思歸賦絕音塵於江介託影響於洛湄

分類補註李太白詩卷之六

後學長洲許自昌玄祐甫校

樂府

發白馬

士贊曰樂府遺聲車馬六曲有白馬箏亦曰齊瑟行

將軍發白馬旌節度黃河蕭鼓聒川嶽滄溟湧波濤

武安有振瓦易水無寒歌

齊賢曰九域志滑州靈河郡治白馬縣黎陽津一名

白馬

車魯植士啓鐘鼓俱振簫管齊鳴史記趙奢傳

秦伐韓

軍於闕與士令趙奢救之去邯鄲三十里秦

軍武安

西鼓譟也兵武安屋瓦盡振刺客傳荆軻入

秦至易水

上歌風蕭上今易水寒壯士一去兮不

復還

士贊曰周八官小行人掌達天子之六節山

國用虎節

士國尸八節澤國用龍節皆以金爲之道

樓

玉階空佇立宿鳥歸飛急何處是歸程長亭連短

亭

士贊曰詩云瞻望弗及佇立以泣又弁彼鸛斯歸飛提提陸機詩仰瞻凌霄鳥羨爾歸飛翼

憶秦娥

簫聲咽秦娥夢斷秦樓月秦樓月年年柳色灞陵傷

別

士贊曰古樂府日出東南隅照我秦氏樓灞陵見前注

樂游原上清秋節咸

陽古道音塵絕音塵絕西風殘照漢家陵闕

士贊曰西京雜

記漢有樂遊苑陸機思歸賦絕音塵於江介託影響於洛湄

分類補註李太白詩卷之六

後學長洲許自昌玄祐甫校

樂府

發白馬

士贊曰樂府遺聲車馬六曲有白馬篇亦曰齊瑟行

將軍發白馬旌節度黃河蕭鼓聒川嶽滄溟湧波濤

武安有振瓦易水無寒歌

齊賢曰九域志滑州靈河郡治白馬縣黎陽津一名

白馬

車曹植

七啓

鐘鼓俱振

蕭管齊鳴

史記趙奢傳

秦伐韓軍於闕與

秦伐

韓軍於

闕與

士令趙奢救之

去邯鄲三十里

秦軍武安西

鼓譟

秦至

易水上

歌

風蕭上

今易水寒壯士一去

今不

復還士贊曰周

復還

士贊曰周

八節澤國用

龍節皆以金爲之道

八節澤國用

龍節皆以金爲之道

八節澤國用

國用

虎節士國

八節澤國用

龍節皆以金爲之道

八節澤國用

龍節皆以金爲之道

八節澤國用

國用

虎節士國

八節澤國用

龍節皆以金爲之道

八節澤國用

龍節皆以金爲之道

八節澤國用

路用旌節門闕用符節都鄙用管節皆以竹爲之鮑
照詩簫鼓流漢思旌甲被胡霜漢武內傳十州在滄
流大海玄津之中諸仙玉女聚居滄
溟山海經溟海無風而洪波百丈鐵騎若雪山飲
流涸滹沱齊賢曰淝水之戰苻堅曰我以鐵騎蹙而
夜兼行至滹沱河冰合得渡在今深州士贊曰范曄
後漢書云孫瓚與子書曰屬五千鐵騎於北隰之中
雪山山名在西鐵騎馬之帶揚兵獵月窟轉戰畧朝
甲者其多如山其白如雪
那齊賢曰長楊賦西壓月窟史記匈奴攻朝那塞殺
那非地鄯尉印士贊曰史記云湫淵祠朝那蘇林曰
湫淵在安定朝那縣後漢地理志安倚劍登燕然邊
定郡在洛陽西千七百里朝那城
烽列嵯峨齊賢曰漢書燕然山去塞三千餘里漢光
武紀注曰邊方備警作土臺上上作桔槔
頭上有兜鈴以薪草置其中有寇卽燃火舉之以相

清詩倚劍臨八荒後漢竇憲大破單于遂登燕然山
刻石勒功唐地理志貞觀二十一年以回紇諸部多
濫割部州置燕然州唐六典凡烽候所置大率相去
三十里其通邊境者築城以置之陸機詩崇臺鬱嵯
峨蕭條萬里外耕作五原多一掃清大漠包虎戢金
戈士贊曰班固燕然山銘經磧鹵絕大漠史樂書武
王克殷反商車甲毀而藏之府庫而弗復用倒載
干戈包以虎皮鄭玄曰包干戈以虎皮明能以武服
其也漢黥布傳曰宜掃淮南之衆師古曰掃者謂盡
舉之如掃地之爲焉

陌上桑

士贊曰樂府相和歌有陌上桑亦田艷

出行亦曰採桑曲曹魏改曰望雲曲按古詞陌

上桑有二此則引魯秋胡之事以爲證也崔豹

古今注曰羅敷者卽鄆秦氏女也嫁千乘王仁

仁後爲趙王家令羅敷採桑於陌上趙王登臺

見而悅之置酒欲奪焉羅敷善彈箏作陌上桑
以自明不從其辭稱羅敷採桑陌上為使君所
邀羅敷盛誇其夫為侍中郎以拒之或言與舊
說不同然侍中郎漢官也恐仁初為趙王家令
後為漢侍中郎也呼趙王為使君者郎君之稱
本於漢恐言使君者猶今言使頭也其辭有日
出東南隅照我秦氏樓之句故亦曰日出東南
隅行亦曰日出行別有秋胡行其事與此不同
此其亦名陌上桑致後人差互其說如玉簫陌
上桑云秋胡始停馬羅敷未滿匡蓋合為一事
也

美女渭橋東春還事蠶作五馬如飛龍青絲結金絡

不知誰家子調笑來相謔齊賢曰漢官儀諸侯五馬梁簡文帝紫駟馬詩曰宛

轉青絲韉樂府有調笑令王贊曰選詩美女姝且閑渭橋在長安見四卷注漢官儀朝臣出使以駟馬為

太平增一馬故為五馬後漢馬皇后傳馬如游龍楚
辭乘飛龍兮北征古羅敷行曰使君從南來五馬立
踟躕又曰青絲繫馬尾黃金絡馬頭曹植詩
曰借問誰家子詩曰謔浪笑傲又伊其相謔
妾本秦

羅敷玉顏艷名都綠條映素手採桑向城隅使君且

不顧况復論秋胡齊賢曰陸士衡詩京洛多妖麗王

出素手又纖上擢素手羅敷歌曰使君自有婦羅敷

自有夫列女傳魯秋胡潔婦者魯秋胡子之妻秋胡

子既納之五日去而官於陳五年乃歸未至其家見

路傍有美婦人方採桑秋胡子悅之下車謂曰力田

不如逢豐年力耕不如遇公卿吾有金願以與夫人

婦人曰嘻婦人當採桑以事舅姑吾不願人之金秋

胡子遂去歸家奉金遺其母使人呼其婦上至乃向

採桑者秋胡子見之而慙婦曰束髮脩身辭親仕五

年始得還乃悅路傍婦人以金與之是忘毋不孝也

妾不忍見不孝之人遂投河死士贊曰神女賦苞溫

潤之玉顏曹植詩名都多妖女古羅敷行秦氏有好
女自名為羅敷羅敷善蠶桑採桑城南隅曹植詩美
女妖且閑采桑岐路間柔條紛冉冉葉落何翩翩
袖見素手皓腕約金環周禮曰城隅之制九雉漢王
訢傳使君顓生殺之柄師古曰為使者故謂之君曹
植詩父母且不願何言子與妻古羅敷行使君謝羅
敷還可其載否羅敷亦致辭使君寒蟬愛碧草鳴鳳
亦何愚使君自有婦羅敷自有夫
棲青梧託心自有處但怪傍人愚徒令白日暮高駕
空踟躕齊賢曰蟬音將蟬屬毛詩鳳凰鳴矣于彼高
岡梧桐生矣于彼朝陽又搔首踟躕士贇曰
曹植秋興賦夕草起寒蟬之類毛詩注云鳳凰之性
非梧桐不栖王粲詩白日忽已暝此六句乃是摠括
一篇之意謂采桑之婦託心各自在矣路人挑之者
亦何愚哉猶用世之士各有所從他人摠招之豈能
動其心哉碧草青梧亦占羅敷

枯魚過河泣

王贊曰樂府遺聲龍魚大曲有枯魚却無過河泣字

白龍改常服偶被豫且制誰使爾為魚徒勞訴天帝

王贊曰劉向說苑吳王欲從民飲伍子胥諫曰不可昔白龍下清冷之淵化為魚漁者豫且射中其目白龍上訴天帝天帝曰當是之時若安置而形白龍對曰我下清冷之淵化為魚天帝曰魚固人所射也若是豫且何罪夫白龍天帝貴畜也豫且宋國賤臣也白龍不化豫且不射今棄萬乘之位而從布衣之士飲酒臣恐其有豫且之患矣王乃止

作書報鯨鯢勿恃風濤勢濤落歸

泥沙翻遭螻蟻噬

齊賢曰古樂府枯魚過河泣何時復還入作書與魴鱖相教慎出入

新序云齊人諫靖郭君曰海大魚碭而失水陸居則螻蟻得意王贊曰鯨鯢見一卷注劉向說苑吞舟之魚蕩而失水制於螻蟻者離其居也莊子神龍失水陸居為螻蟻之所制楚辭橫江湖之鱣鯨今固將制

於螻蟻

萬乘慎出入柏人以爲識

齊賢曰史張耳傳漢七年高祖從平城過

趙趙王朝夕祖韓赦目上食礼甚卑有子壻礼高祖

箕踞甚慢異之趙相貫高等皆氣怒欲殺高祖漢入

年上從東垣過上趙貫高等乃壁人柏人要之置上

欲過宿心動問曰縣名何爲曰柏人柏人者迫於人

也不宿而去九年貫高怨家上變告之於是上皆并

逮捕治張敖之罪識一作誠士贊曰作識字是孔子

曰小子識之之義柏人屬趙國師古曰本晉邑班

彪遊冀州賦曰醜柏人之惡名今聖高祖之不宿

丁都護歌

士贊曰古今樂錄丁都護歌者彭城

護丁時牧殯之達妻高祖長女也呼眸至閣下

自問歛送之事每問輒嘆息曰丁都護其声哀

切後人因其

声廣其曲焉

齊賢曰寰宇記潤州丹陽

為雲陽縣謝靈運詩曉月發雲陽按潤州圖經丹陽山名雲陽縣也秦時亦言其地有天子氣始皇鑿北沅以敗其勢截直道使阿曲故謂之曲阿又按後漢書地理志吳郡丹徒曲阿由拳注云于寶搜神記曰秦始皇東巡望氣者云五百年後江東有天子氣始皇令囚徒十萬人穿鑿其地表以惡名故改之曰由拳縣即今丹陽也

吳牛喘月時拖

船一何苦水濁不可飲壺漿半成土

齊賢曰世說滿奮曰臣猶吳牛

見月而喘注云今之水牛唯產江淮間故謂之吳牛南土多暑而此牛畏熱見月疑是日所以喘也王贊曰鮑照詩已沒一何苦苦哉不容身陸佐公石闕銘曰壺漿塞野孟子曰葛伯不祀湯往征之其君子實玄黃于筐以迎君子小人簞食壺一唱都護歌心摧漿以迎小人此言水濁而成泥也

淚如雨萬人鑿盤石無由達江汭君看石芒碭掩淚

悲千古

齊賢曰唐志作督護此意謂行船於河河水

能得當熱而渴飲千古之人視盤石芒碭然豈不悲哉漢書高祖飲芒碭山澤間應劭曰芒音忙屬沛國碭音唐屬梁國二縣之界碭亦音宕士贇曰歐陽建詩扁哭摧心肝詩云泣涕如雨毛詩注潁水涯此言江潁則江之涯也陸機詩掩淚敘溫涼太白樂府每篇必繫括一事而作非泛然而言者此篇之意是詠秦皇鑿北阮以厭天子氣之事徒爾勞民鑿石而不

知真主已在芒碭山澤間矣非人力之所能勝也韋堅開廣熱拖船就飲濁水征夫之苦徒與千苦之悲耳或曰詩者所以抒下情而通風諭此詩乃是為韋堅開廣

運潭而作借秦為喻耳按唐史天寶初江淮南相庸等使韋堅引淮水抵苑東望春樓下為潭以聚江淮

運船役夫匠通漕渠發人丘隴自江淮至京城民間

蕭然愁怨二年而成三月上幸望春樓觀新潭各其

潭曰廣運太白之詩其為是歟吳孫權時亦嘗造校

至雲陽西坊通會市何氏隱舍以詩名
事然詩意重在末句故以秦事爲證附註吳事於末
云

相逢行

王贊曰王僧虔技錄曰相和清調六曲有相逢狹路間行亦曰長安有狹邪行

亦曰相

逢行

胡騎五花馬謁帝出銀臺秀色誰家子雲車珠箔開

王贊曰五花馬見三卷詩註曹植詩曰謁帝承明廬

李肇翰林志學士每下直出門謂之小三昧出銀臺

門上馬謂之大三昧唐翰林故事翰林院在右銀臺

門內麟德殿西重廊之後蓋天下技能藝術見召者

之所處張衡七辭曰淑性窈窕秀色美艷曹植詩借

問誰家子三輔黃圖曰三秦記明光皆金玉珠璣爲

簾金鞭遙指點玉勒近遲回夾轂相借問疑從天上

來蹙入青綺門當歌共銜杯銜杯映歌扇似月雲中

見

齊賢曰漢武時身毒國獻連環羈皆以白玉作之馬瑙石爲勒白光琉璃爲鞍謝承漢書曰鄭引行

春白鹿夾轂而行青綺門猶云青綺窓魏武短歌行曰對酒當歌劉伶酒德頌曰銜杯漱醪班婕妤好詩新裂齊紈素團團似明月士贇曰史銜杯相見不得親

泐接殷勤之歡謝玄暉詩雲中見紅樹

相見不得親

不如不相見相見情已深未語可知心胡爲守空閨

孤眠愁錦衾錦衾與羅幃纏綿會有時

齊賢曰古詩

空牀獨難守曹子建雜詩曰妾身守空閨毛詩錦衾爛兮占詩照我羅床幃陸士衡詩好合纏綿張升與任彥堅書曰纏綿恩好庶蹈高蹤士贇曰蘇武詩行役在戰場相見未有期曹植詩妾守空閨裏良人行從軍張載詩纏綿思彌深古傷歌行微風吹閨

春風

正澹蕩暮年來何遲

陽旦為朝雲暮為行雨士贊

曰鮑照詩春風澹蕩俠思多選古詩軒車來何遲

願因三青鳥更報長相思

齊賢曰漢武故事曰三青鳥如鳥夾侍王母傍士贊

曰陶潛詩翩上三青鳥毛色奇可憐朝為王母使暮

歸三危山我欲因此鳥具向王母言在世無所需

唯酒與長年蘇武詩生當復來歸死當長相思

光

景不待人須臾髮成絲當年失行樂老去徒傷悲持

此道密意毋令曠佳期

士贊曰曹植詩白日西南馳

須臾至今賈山傳願少須臾毋死司馬遷傳卒卒無

須臾之間漢楊惲書曰人生行樂耳須富貴何時古

長歌行少壯不努力老大徒傷悲吳志駱統勸孫權

尊賢接士加以密意誘諭使言察其志趣謝玄暉詩

曰佳期

恨何許

李詩補注

卷

七

千里思

李陵沒胡沙蘇武還漢家迢迢五原關朔雪亂邊花
一去隔絕國思歸但長嗟鴻鴈向西北因書報天涯

齊賢曰天漢二年李陵降匈奴隴西士大夫以李氏
爲愧單于以女妻陵立爲右校王天漢元年且鞮單
于立歸漢使路充國等天子乃遣蘇武持節送匈奴
使留在漢者旣至單于益驕會緡王與虞常謀反匈
奴中常與副張勝相知事發引勝單于怒欲降武等
武不降徙武北海無人處使牧羝羝乳乃得歸明年
李陵降單于使陵說武曰人生如朝露何久自苦
如此武曰必欲降武請卽死於前陵嘆曰嗟夫義士
陵與衛律之罪上通於天昭帝卽位數年匈奴與漢
和親漢使謂單于言天子射上林中得鴈足有繫帛
書言武等在某澤中單于驚謝陵置酒武以始元六

二十餘年死古
北歸今為得漢音
士贊曰漢書李陵字少卿隴西成
紀人少時為侍中建章監天漢二年將步騎五千與
單于戰矢窮力盡遂降匈奴為右校王病死蘇武字
子卿以父任為郎天漢元年持節使匈奴留十九年
竟全節歸漢拜典屬國匈奴傳胡地沙鹵多古詩迢
迢牽牛星五原郡見前詩注鮑照詩胡風吹朔雪江
淹別賦至如一去絕國詎相見期魏文帝詩慊慊思
歸戀故鄉此篇是詠蘇武歸漢李陵送別悲歎之意
末句鴻鴈向西北因書報天涯者是隳括陵與武書
所謂時因北風復
惠德音之語耳

樹中草

士贊曰樂府遺聲草木
二十一曲有樹中草

鳥銜野田草誤入枯桑裏

齊賢曰張平子思玄賦曰
桑未寄夫根生今并既凋

而已育古詞曰枯桑知天風士贊曰此謂桑寄生也
本草圖經曰桑寄生出弘農山谷桑上今處處有之

云是烏鳥食物子落枝節間感氣而生葉似橘而厚
軟莖似槐枝而肥脆三四月生花黃白色六月七月
結實黃色如小豆大

客土植危根逢春猶不死

士贊曰漢書成帝紀客土疏惡

服虔曰取他處土以增高為客土也

草木雖無情因依尚可生如何同

枝葉各自有枯榮

齊賢曰謝靈運詩蒲稗相因依士贊曰蘇子卿詩骨肉綠枝葉結交

亦相因詩云枝葉未有害本實相撥曹植詩榮枯可立須明皇之時諸王相繼誅戮此詩似有感而作也

君馬黃

士贊曰樂錄漢短簫韶歌二十二曲有君馬黃晉曰金陵運言晉乘金運也北

齊曰定汝頴言文襄遣清河王岳會周將王思政於長葛汝頴悉平也後周曰哲王出言高祖之聖德也援古辭云君馬黃臣馬蒼二馬同逐臣馬良終言美人歸以南以北駕車馳馬令我心傷但取第一句以命題其主意不在馬也李

古人知音別曲見於賦韻者如此後世只于
語上計較
此道無聞

君馬黃我馬白馬色雖不同人心本無隔齊賢曰詩我馬玄黃

又亦白其馬王贊曰興者謂馬之毛色雖不同而其為馬則一也人之才藝雖有異而其為人則均也左

傳云人心不其作遊冶盤雙行洛陽陌長劍既照耀

高冠何絕赫齊賢曰風俗通東西曰陌韓非子曰解其長劍免其危冠陳張王見君馬黃云

五色乘馬黃王贊曰此言俱以才藝而進仕於朝也楚辭怨長劍令擁幼艾荆楚故事宋玉為大言曰彎

弓掛扶桑長劍倚天外後各有千金裘俱為五侯客

齊賢曰孟嘗君傳君有一狐白裘直千金天下無雙
河平二年成帝封諸舅王譚為平阿侯商為成都侯

李詩補注

卷六

九

立為紅陽侯根為曲陽侯逢為高平侯五人同日封
故世謂之五侯鮑明遠詩五侯相餞送王贊曰漢書
樓護字君卿少隨父為醫出入貴戚家是時王氏賓
客滿門五侯爭名其客各有所厚不得左右惟護盡
入其門咸得其驩心此猛虎落陷穽壯士時屈厄相
言仕於朝者各有所也知在急難獨好亦何益齊賢曰司馬遷書曰猛虎在
兄弟急難王贊曰此言士而遭厄猶猛虎之落穽雖
有牙爪無所復施而同時儕輩不能垂一指之援獨
善其身何取其為益者三友哉此詩其傷朋友之道
缺乎抑白遭誣被謗之時所作也耶婉而不迫可謂
得國風之體矣

擬古
王贊曰蒲陽夾潞鄭先生曰始於太白

融融白玉輝
快我青蛾眉
寶鏡似空水
落花如風吹

出門望帝子蕩漾不可期詩曰非渚有帝子蕩漾

可期士贊曰宋南平王詩舞曲佳人安得黃鶴羽一

報佳人知田饒曰魏文帝詩願飛安得翼韓詩外傳

佳人興者謂當盛年之時攬鏡自照嘆其顏色之美
好未有仇匹復傷世之閱人如水鏡之無心而人者
暫少忽老則似乎風中之花時難得而易失亦猶有
志之士當強仕之時而不得進用雖有致君之心無
自而遂君門萬里固不可期矣復曰安得黃鶴羽一
報佳人知者復冀夫在位之人或者能汲引而進之
於君側也其亦不忍自絕於君之意歟

折楊柳王贊曰崔豹古今注橫吹胡樂也張騫

延年因造新聲二十八解魏晉以來
不存見用黃鵠隴頭折楊柳等十曲

垂楊拂綠水搖艷東風年花明玉關雪葉暖金牕煙

美人結長想對此心淒然攀條折春色遠寄龍庭前

齊賢曰古詩攀條折其榮班固燕然山銘曰躡足頓

之區落焚老上之龍庭注老上單于五月大會龍庭

祭其先天地鬼神王贊曰謝玄暉詩垂楊蔭御溝又

逶迤帶綠水玉關見五卷注謝靈運詩美人遊不還

佳期何由敦漢書薄姬

傳漢王心悽然憐薄姬

少年子

王贊曰樂府遺聲遊俠
二十一曲有少年子

青春少年子挾彈章臺左鞍馬四邊開突如流星過

金丸落飛鳥夜入瓊樓臥夷齊是何人獨守西山餓

齊賢曰西京雜記曰韓嫣好彈以金爲丸流星言其

瓊樓瑤林史記伯夷叔齊孫竹君之二子義不食周粟隱於首陽山馬融曰昔曰陽在河東蒲坂華山之曲之中採薇而食之及餓且死作歌曰登彼西山兮採其薇矣以暴易暴今不知其非矣王贊曰章臺流星並見前卷注孟子舜何人也

紫騮馬

王贊曰樂府鼓角橫吹十五曲有紫騮馬

紫騮行且嘶雙翻碧玉蹄臨流不肯渡似惜錦障泥

白雪關山遠黃雲海戍迷揮鞭萬里去安得念春閨

齊賢曰梁簡文有紫騮馬詩晉王濟善解馬性常乘一馬著連錦障泥前有水終不肯渡濟云此必是惜障泥使人解去便渡古樂府相和歌有度關山曲恨賦關山無極又遷客海上流戍隴陰古今樂錄紫騮馬曲蓋從軍遠戍懷歸之曲王贊曰孟子白雪之白蔡琰胡笳十八拍關山脩阻今行路難淮南子黃泉

之埃上爲黃雲古詩相去萬餘里江淹
詩渺然萬里遊別賦春閨闕此青苔色

少年行

王贊曰樂府遺聲遊俠
二十一曲有少年行

擊筑飲美酒劒歌易水湄經過燕太子結託并州兒

齊賢曰筑見七卷注史荆軻與燕太子別易水上歌
曰風蕭蕭兮易水寒禹平水土分九州如帝嚳之舊
舜以冀州南非閼大分衛水爲并州王贊曰史荆軻
傳荆軻既至燕愛燕之狗屠及善擊筑者高漸離荆
軻嗜酒日與狗屠及高漸離飲於燕市酒酣以狂高
漸離擊筑荆卿和而歌於市中相樂也已而相泣旁
若無人荆軻雖游於酒然其爲人沉深好書其所游
諸侯盡美其賢與長者相結燕之處士田光先生亦
善待之知其非庸人也會燕太子丹質秦怨而亡歸
求報秦王者謀於田先生田光俛行見荆卿曰願足
下過太子於宮荆軻曰謹奉教荆軻遂見太子互少

年負壯氣奮烈自有時刺擊魯句踐爭博勿相欺
曰孟子謂宋句踐曰子好遊乎士贊曰古樂府遊俠
曲有結客少年場行古詩素絲生有時史刺客傳荆
軻遊於邯鄲魯句踐與荆軻博爭道魯句踐怒而叱
之荆軻嘿之逃去遂不復會後爲燕太子丹刺秦王
不中敗死魯句踐聞之私曰嗟夫惜哉其不講於刺
劍之術也甚矣吾不知人也曩者吾叱之彼乃以我
爲非人也子
見所引非

其二

五陵年少金市東銀鞍白馬度春風落花踏盡遊何

處笑入胡姬酒肆中

齊賢曰西京賦及班固賓客問皆曰南望杜霸北眺五陵徐敬詩

白馬耀銀鞍劉琨有胡姬年十五詩

白鼻騮

銀鞍白鼻騮綠地障泥錦細雨春風花落時揮鞭直

就胡姬飲

齊賢曰別賦龍馬銀鞍毛詩有馬白顙注

帝得貳師

天馬常以玫瑰石爲鞍轡以金銀鍮石以

綠地九色

錦爲蔽泥後稍以熊羆皮爲之王贊曰顙

延年羽林郎詩

銀鞍何煜燭

豫章行

王贊曰王僧虔技錄相和歌清調六曲有豫章行

胡風吹代馬北擁魯陽關吳兵照海雪西討何時還

半渡上遼津黃雲慘無煙

師古曰洪州豫章郡記曰豫章生松陽門內大二十

五圍常心枯晉永嘉中忽更榮茂以爲元帝中興之

漢班超疏代馬依風使仲雍荊州記曰其北有四關
魯陽伊關之屬也張景陽詩朝登魯陽關江淹詩黃
雲蔽千里遊子何時還史淮陰侯傳引兵半渡淮南
子黃泉之埃
上為黃雲
老母與子別呼天野草間白馬繞旌旗

悲鳴相追攀白楊秋月苦早落豫章山
齊賢曰史記屈原曰人窮

則反本故勞苦倦極未嘗不呼天也疾痛慘恒未嘗
不呼父母也晉庾亮鎮武昌出至石頭百姓於岸上

歌曰庾公上武昌翩翩如飛鳥庾公上揚州白馬牽

旒旒占豫章行白楊初生時乃在豫章山王粲曰易

白馬翰如禮春官司常熊虎為本為休明人斬虜素

旂析羽為旌古詩白楊多悲風

不閑豈惜戰鬪死為君掃兇頑精感石沒羽豈云憚

險艱
齊賢曰桓玄曰德之休明則肅慎貢其楛矢樂
府解題曰豫章行皆是傷離別呂氏春秋養由

基射兕中石矢飲羽李廣居右北平出獵見草中石以爲虎而射之中石沒羽王贊曰休明見二卷注史吳起傳撫養戰鬪之士西京雜記李廣獵於冥山之陽兄臥虎射之沒矢飲羽進而視之乃石也或以問揚子雲子雲曰至誠則金石爲開此言生於休明之世有征無戰之時素不閑習戰鬪之事然公爾忘私國爾忘家精誠所至樓船若鯨飛波蕩落星灣此曲豈復憚險惜死哉

不可奏三軍髮成斑

齊賢曰潯陽記曰有星墜水爲石九域志南康軍有落星石石史

記注船上爲樓曰樓船王贊曰西京雜記武帝作昆明池以習水戰池周回四十里中有戈船樓船各數百艘落星灣在今南康軍城之右唐時屬江州及洪州輿地廣記曰昔有星墜水化爲石夏秋之交湖水方漲則星石泛於波瀾之上至隆冬水涸則可以步沙寺居其上曰法安院選詩我欲竟此曲此曲悲且長詩闕官公徒三萬箋云大國三軍合三萬七千五

沐浴子

王贊曰樂府遺聲遊俠
二十一曲有沐浴子

沐芳莫彈冠。浴蘭莫振衣。處世忌太潔。至人貴藏輝。

齊賢曰屈原曰新沐者必彈冠新浴者必振衣安能
以身之察察受物之汶汶者乎五臣曰察察潔白也
汶音問垢塵也老子曰盛德容貌若愚良賈深藏若
虛王贊曰楚辭浴蘭湯兮沐芳華淮南子至人之治
也心與
神處
滄浪有釣叟吾與爾同歸
齊賢曰漁父對屈

不濯其泥而揚其波眾人皆醉何不餉其糟而醅其
醕莞爾而笑鼓枻而去歌曰滄浪之水清兮可以濯
我纓滄浪之水濁兮可以濯我足潘安仁詩白首同
所歸王贊曰詩云與子同歸滄浪釣叟即屈原詞所
謂漁父者此詩全隱括漁父詞之意前詩含光混世
貴無名何用孤高比雲月亦此意也其太白涉難後

之辭

高句驪

齊賢曰隋書曰夫余王嘗得河伯女生

之臣請殺之朱蒙東南走遇一大水不可越曰
我是河伯外孫日之子於是魚鱉積而成橋朱
蒙遂渡追不及朱蒙既建國自號高句驪以高
為氏都平壤漢樂浪郡王贊曰樂府遺聲蕃胡
四句有
高句驪

金花折風帽白馬小遲回翩翩舞廣袖似鳥海東來

齊賢曰唐禮樂志有高麗樂樂書高麗國樂人紫羅
帽飾以鳥羽紫大袖紫羅帶太口袴赤皮雜五色緇
繩舞者四人二人黃裙襦上亦黃袴長其袖烏皮靴雙
併立而舞舞賦曰長袖交煥又曰翩翩燕居拉拊鵲
驚翩音篇輕貌拉脊飛貌又曰超踰鳥集言舞勢超

奏置之然音伎多闕舞者二人紫大袞裙襦章甫冠
衣履樂有箏笛桃皮觥策篴歌而已金花帽白馬
唐袖者當時樂舞之飾即所見而詠之東海後鵲名
海東青此喻其舞之快捷如海東青之快捷也史
記楚世家曰射鵲鳥於東海則又字義之所自出

靜夜思

牀前看月光○疑是地上霜○舉頭望山月○低頭思故鄉○

齊賢曰古詩征人相顧白如霜士贊曰古詩明月何
皎皎照我羅牀○蘇子卿詩遊子戀故鄉○魏文帝詩
俯視清水波○仰看明月光○
鬱上多悲思○綿綿思故鄉○

綠水曲

士贊曰樂府解題綠水者古琴
操名淮南子手會綠水之趣

綠水明秋月○南湖採白蘋○荷花嬌欲語○愁殺蕩舟人○

齊賢曰馬融長笛賦中取度於白雪綠水注二曲名
嵇叔夜琴賦初涉綠水中奏清徵張翰弔賈生賦敢
不敬弔寄之綠水淮南子手會綠水之趣高誘曰古
詩也李善曰蘋水草左傳齊侯與蔡姬乘舟於囿蕩
水士贊曰何晏景福殿賦淶水浩浩陶潛詩秋月揚
明輝詩云于以采蘋南澗之濱晉書慕容熙載記曰
蕩輕舟於曲光之海

鳳凰曲

羸女吹玉簫吟弄天上春青鸞不獨去更有携手人

影滅彩雲斷遺聲落西秦

齊賢曰毛詩攜手同行鮑照詩鳳臺無還駕簫管有

遺聲

士贊曰羸女弄玉也事見鳳

臺曲

註七啓公叔軍命於西秦

鳳臺曲

士贊曰即古樂

嘗聞秦帝女傳得鳳凰聲是日逢仙子當時別有光

人吹綵簫去天借綠雲迎曲在身不返空餘弄玉名

士贊曰全篇皆隱括蕭史弄玉事仙傳蕭史得道善吹簫秦穆公以女弄玉妻之遂教弄玉吹簫作鳳鳴有鳳來止其屋公為作鳳臺後弄玉乘鳳蕭史乘龍昇天而去此詩專詠此事

從軍行

士贊曰王僧虔宴樂相和歌平調七曲有從軍行

從軍玉門道逐虜金微山

齊賢曰陸士衡有從軍行王仲宣有從軍詩九域志

肅州酒泉郡領玉門縣玉門關在焉本析甘州之福祿瓜州之王門置通典羈縻州有金微山隸振武軍
贊曰李廣傳良家子從軍唐地理志玉門屬肅州
酒泉郡貞觀元年省後復置開元中沒吐蕃因其地
置玉門郡僕固懷恩傳貞觀二十年鐵勒九姓大酋
領率眾降分置翰海燕然金微幽陵等九都督府別

為蕃州以僕固歌濫拔延為
右武衛大將軍金微都督

笛奏梅花曲刀開明月

環

齊賢曰桓伊善笛撰落梅花曲尤盡巧妙呂波安樓對符堅曰僕刀鐸上人耳不足以辦大事

古今樂錄鼓角橫吹十五曲有梅花落乃胡笳曲也鼓聲鳴海上兵氣擁雲間

願斬單于首長驅靜鐵關

齊賢曰漢書徙蘇武北海上士贊曰戰國策樂毅輕

卒銳兵長驅至齊唐地理志自馬耆西五十里過鐵門關

秋思

士贊曰秋思古琴操商調之曲

春陽如昨日碧樹鳴黃鸝
蕪然蕙草暮颯爾涼風吹

天秋木葉下月冷莎鷄悲
坐愁羣芳歇白露凋華滋

齊賢曰詩云有鳴倉庚注倉庚黃鸝也亦作驪蕙草

紡緯劉休玄詩曰誰為客行久屢見流芳歇潘岳
流芳未及歇王贊曰詩春日載陽毛詩疏黃鳥鷦鷯
也或謂黃栗留一名倉庚陸機詩蕙草饒淑氣記月
令孟秋之月涼風至白露降宋玉風賦有風颯然而
至鮑照詩安能行歎復坐愁楚辭芳已歇而不比古
詩綠葉發華滋詩兼葭蒼蒼白露為霜此詩亦歎夫
光景易流功業不建不知老之將至徒與草木俱腐
有志者讀之當
其為之喟然也

春思

燕草如碧絲。秦桑低綠枝。當君懷歸日。是妾斷腸時。

春風不相識。何事入羅幃。

齊賢曰。荊州故燕國。王贊曰。詩云。豈不懷歸。魏文帝

詩。念君客遊。思斷腸。慊慊思歸戀。故鄉賤妾。哭乳守空房。來思君。不敢忘。古樂府。微風吹。聞聞羅幃。自

飄揚燕草者燕地之草秦桑者秦地之桑也燕北地
寒草生遲當秦桑低綠之時燕草方生如絲之碧也
秦桑低枝者興思婦之斷腸也言其夫方萌懷歸之
心猶燕草之方生妾則思君之久先已腸斷矣猶秦
桑之已低枝也未句則興此心貞潔非外物所
能動也此詩可謂得國風不淫不諱之體矣

秋思

燕支黃葉落。妾望自登臺。海上碧雲斷。單于秋色來。
胡兵沙塞合。漢使玉關回。征客無歸日。空悲蕙草摧。

齊賢曰西河舊事歌曰失我關氏山使我婦女無顏色單于匈奴號也師古曰廣大之貌言其象天單于然也廣志曰沙州燉煌郡壽昌縣西有陽關西北有玉門關士賀曰燕支山名事見第四卷詩注江淹詩曰日暮碧雲合佳人殊未來後漢書班超使西域

門關注王門關今沙州去安三千六百里按春思
秋思二詩成婦詞爾征夫不歸春而秋矣登臺而望
木葉黃落矣秋高馬肥戎事興矣漢使之出關者亦
既回矣今而不歸是無歸之日矣蘭蕙乃女人所佩
以宜男者亦復就摧是一年之光景又虛度矣思婦
之心當如何其悲也東山其新孔嘉其舊如之何之
氣象安得復見於後世哉子見所注指以為二公主
之事非也其說泛而無據且於詩意全不相着吾故
詳述之以俟後
世之李太白云

子夜吳歌

齊賢曰唐禮樂志子夜晉曲也王贊

吳聲四時歌亦曰子夜吳歌晉有女子名子夜
作是歌甚哀晉武帝大元中瑯琊王軻家有鬼
歌之子夜之音同於白紵皆清商調也故梁武
本白紵而為子夜吳聲四時歌明此子夜亦有
晉聲者其實
不離清商

秦地羅敷女採桑綠水邊素手青條上紅粧白日鮮

蠶飢妾欲去五馬莫留連

齊賢曰古詩娥娥紅粉粧纖纖出素手王寶旦此詩

事全見前陌上桑註鮑照詩留連徘徊不忍散

其二

鏡湖三百里菡萏發荷花五月西施採人看臨若耶

回舟不待月歸去越王家

齊賢曰梁任昉述異記曰鏡湖世傳軒轅氏鑄鏡湖

邊因得名今有軒轅磨鏡石尚存劉公幹詩芙蓉散其華菡萏溢金塘越絕書曰越王得採薪女西施鄭旦以獻吳王九域志越州若耶溪卽歐冶子鑄劍之處王寶旦圖經鏡湖在會稽郡南二十里後漢馬臻順帝永和九年爲太守於會稽山陰二縣界築塘周

羅穀教以行步三年而獻之吳王有西施家有東施
南北流二十五里與鏡湖合越絕書薛燭對越王曰
若耶之溪澗而出銅

其三

長安一片月萬戶擣衣聲秋風吹不盡總是玉關情

何日平胡虜良人罷遠征齊賢曰唐志京兆府有長安縣謝惠連有擣衣詩毛

詩今夕何夕見此良人良人大也王贊曰古詩閨中有一婦擣衣寄遠人王關見前註曹植詩妾身守空閨良人行從軍李善曰良人謂夫也陸機詩苦哉遠征人

其四

明朝驛使發一夜絮征袍素手拙針冷那堪把剪刀

裁縫寄遠道幾日到臨洮

齊賢曰洮州臨洮郡治臨洮縣王贊曰古詩織上濯

素手詩云慘慘女手可以縫裳古樂府綿綿思遠道古詩所思在遠道唐書地理志洮州臨洮郡屬隴右道

對酒行

王贊曰樂府相和歌三十曲有對酒行古詞乃曹魏樂奏

松子栖金華安期入蓬海此人古之仙羽化竟何在

齊賢曰

松子赤松子也九域志婺州金華縣金華山

抱朴子云

此山可以居神免五岳洪水之患王贊曰

列仙傳

赤松子神農時雨師神仙傳皇初平丹谿人

年十五

家使牧羊有道士見其良謹將至金華山石

室中四十

餘年忽然不復念家能坐在立亡後易姓

為皇初平

改字為赤松子安期先生事見二卷注

浮生速流電倏忽變光彩

王贊曰莊子其生若浮其死若馳電陶潛詩

一生復能幾倏如流電天地無彫換容顏有遷改

賢齊

驚曹植詩顧盼遺光彩
曰任彥升詩忽覩朱顏改王贊曰此天長對酒不肯

地遠歲不留之意陶潛詩常有好容顏
飲含情欲誰待齊賢曰魏武帝短歌行曰對酒當歌

曰此詩其太白知非之作乎白少時見天台司馬承

頑謂其有仙風道骨繼見賀知章亦目其為謫仙人

後從道家者流受圖籙自負為二十六天帝外臣有

忘於仙術亦可知矣今而老之將至前說茫無寸驗

因思古之所謂仙人如赤松安期者亦不復再見於

世以知自古皆有死死而無不化所貴乎仙者特其

精神與天地同流耳反老還童留形住世之說誕也

古詩浩浩陰陽移年命如朝露人世忽如寄壽無金

石固萬歲更相迭聖賢莫能度服食求神仙多為藥

所誤不如飲美酒被服絢與素良有以歟大白亦祖

此意而

作也

估客行

齊賢曰齊武布衣時游樊鄧登祚後憶

商曲估客樂齊武帝所作也武帝為布衣時常
遊樊鄧踐祚已後追憶往事而作是歌使太樂
令劉瑤教習百日無成或啟釋寶月善音律帝
使寶月奏之便就勅歌者重為感憶之聲梁改
為商旅行其辭二首亦曰昔經樊鄧後假楫梅
跟渚感昔追往事意滿情不敘二曰有信數寄
書無信長相憶莫作
瓶落片一去無消息

海客乘天風將船遠行役譬如雲中鳥一去無蹤跡

士贊曰古樂府枯桑知天風海水知天

寒詩云嗟余子行役一去字見題注

壽衣篇

士贊曰此亦

閨裏佳人年十餘
嚙蛾對影恨誰居
忽逢江上春歸

燕銜得雲中尺素書

齊賢曰嚙蛾嚙眉也禮記離君索居江淹詩袖中有短書願寄

雙飛燕古詩中有尺素書士贊曰楚辭將以遺今離居古詩同心而離居憂傷以終老

玉手開

緘長歎息狂夫猶戍交河北
萬里交河水北流願為

雙燕泛中洲

齊賢曰賈誼策可為長大息者漢書狂夫之言聖人擇焉唐志貞觀十四年平

高昌以其地置西州交河郡中都督府河水分流繞城下因名交河士贊曰唐書地理志西州交河郡中都督府貞觀十四年平高昌以其地置開元中曰金山都督府天寶元年為郡有守捉交河自縣北八十里
有龍泉館又北入谷百三十里經柳谷金沙嶺百六十里經石會漢戍至北庭都督府水皆北流入磧及人夷播海古詩思為

君邊雲擁青絲騎妾處苔生

紅粉樓樓上春風日將歇誰能攬鏡看愁髮曉吹員

管隨落花夜擣戎衣向明月

齊賢曰梁簡文詩宛轉青絲鞍士贇曰古陌上

桑曰青絲繫馬尾古詩盈盈樓上女皎皎當牕牖娥娥紅粉粧纖纖出素手又閨中有一婦擣衣寄遠人

明月高高刻漏長真珠簾箔掩蘭堂橫垂寶幄同心

結牛拂瓊筵蘇合香

齊賢曰石季龍起大武殿銀檻金柱珠簾張景陽七命蘭宮秘

宇彫堂綺櫺杜預左氏注幄帳也隋煬帝為太子聞

文帝崩遣使資金太子署封以賜宣華夫人陳氏發

之合中同心結數枚謝元暉詩復酌瓊筵醴素安夜

酣賦曰金屏瓊筵深書中大竺出蘇合香是諸香汁

煎之又曰大秦人採蘇合先榨其汁以為香膏乃賣

其滓與人展轉達中國不大香也士贇曰司馬彪續

漢書曰孔壺為漏浮箭為刻下漏數刻以考中星昏

春瓊筵寶帳連枝錦燈燿熒照孤寢有便遇將金

剪刀為君留不相思枕摘盡庭蘭不見君紅巾拭淚

生氤氲明年若更征邊塞願作陽臺一段雲齊賢曰

旦為朝雲暮為行雨朝朝暮暮陽臺之下王實曰禮

記婦人或賜之蘭茝賜受獻諸舅姪又左傳燕姑夢

幽鬱之情亦可見矣末句曰明年若更征邊塞願作

陽臺一段雲意謂滔滔不歸則惟有托夢以從其

夫於四方上下耳此亦極其懷思之形容也歟

少年行齊賢曰陸士衡有結客少年場行士贊

君不見淮南少年游俠客白日毬獵夜擁擲呼盧百

萬終不惜報讎千里如咫尺

齊賢曰唐淮南道古揚州之地荀悅曰立氣岸

作威福結私交以立強于世者謂之游俠王贊曰江
淹別賦乃有劍客慙恩少年報士呼盧事見前注又
何無忌傳劉毅家無擔石之儲擣蒲一擲百萬漢書
傳郭解以軀藉死友報仇而少年慕其行亦輒為報
讎不使知也莊子曰臣之少年游俠好經過渾成裝
劍十步一人千里不留行少年游俠好經過渾成裝

束皆綺羅蘭蕙相隨喧妓女風光去處滿笙歌

王贊曰王

逸荔枝賦曰洛宛少年漢書志曰秦地豪傑則游俠
通姦江淹別賦曰羅與綺兮嬌上春楚辭光風轉蕙
汜崇蘭鮑照詩
笙歌待明發
驕矜自言不可有俠士堂中養來久

好鞍好馬乞與人十千五千旋沽酒赤心用盡為知

已黃金不惜栽桃李桃李栽來幾度春一回花落一

同新齊賢曰漢游俠叙曰布衣游俠剽孟郭解之徒
馳騁於閭閻權行州域力折公侯衆庶觀而慕

之與其陷於子貢曰自與殺身成名若季路仇牧死而不悔也劉向說苑曰夫樹桃李者夏得休息秋得其實焉士贊曰史聶政好曰士固為知己者死

府縣盡為門下客王侯皆是

平交人男兒百年且樂命何須狗書受貧病男兒百

年且榮身何須狗節甘風塵衣冠半是征戰士窮儒

浪作林泉民齊賢曰易曰樂天知命故不憂原憲謂子貢曰若憲貧也非病也古詩百年能

幾何陸士龍詩飄飄晉庾翼云不能自拔脚於風塵之表士贊曰遮莫枝根長百

丈不如當代多還往遮莫姻親連帝城不如當身自

簪纓看取富貴眼前者何用悠悠身後名齊賢曰漢顯宗為太

子時曰河南帝城多近臣南陽帝鄉多近親晉張翰曰使我有身後名不如即時一杯酒士贊曰遮莫方

李詩補注

言也遮音折此篇末章十二句辭意迫切似非太白之作具眼者必能辯之

長歌行

齊賢曰陸士衡樂府有長歌行古今注長歌言壽命長短定分不妄求也

桃李待日開榮華照當年東風動百物草木盡欲言

枯枝無醜葉涸水吐清泉大力運天地義和無停鞭

功名不早著竹帛將何宣

齊賢曰古樂府青青園中葵朝露待日晞陽春布德

澤萬物生光輝選詩東風搖百草後漢書鄧禹曰願得効其尺寸垂功名于竹帛耳王贊曰潘岳笙賦宛其死矣化為枯枝廣雅日馭日羲和傳玄日升歌曰羲和初攬轡六龍並騰驤此言天運之速光景易流

也桃李務青春誰能貫白日富貴與神仙蹉跎成兩

金石猶銷鑠風霜無久質畏落日月後強飲歌與

酒秋霜不惜人倏忽侵蒲柳

齊賢曰顧愷之與晉簡

問其故曰松柏之姿經霜尤茂蒲柳之質望秋先零
士賢曰江淹賦桃與李兮嬌上春古詩浩浩陰陽移
年命如朝露人生忽如寄壽無金石固萬歲更相送
聖賢莫能度服藥求神仙多爲藥所誤不如飲美酒
被服絺與素又人生非金石豈能長壽考奄忽隨物
化榮名以爲寶此詩意全出於此富貴神仙蹉跎兩
失亦白自嘆之意歟曹植詩繁華將茂秋霜瘁之楚
辭白日晼晚其將入兮明月銷鑠而滅毀歲忽忽而
邁盡兮老冉冉而愈弛謝惠連詩金石終銷毀晉周
處曰欲自脩改而年已蹉跎終無所成阮籍詩白日
忽蹉跎鮑照詩徒有霜華無霜質

長相思

日色欲盡花含煙月明欲素愁不眠
趙瑟初停鳳凰

柱蜀琴欲奏鴛鴦絃

齊賢曰史記趙王為秦王鼓瑟楊惲婦趙女善鼓瑟舞賦曰若

絙瑟促柱江文通別賦曰橫玉柱而霑軾鳳凰柱刻

柱為鳳凰形司馬相如蜀郡成都人好鼓琴有琴臺

在浣溪正路金花寺非元魏伐蜀於此下營城漸得

大甕二十餘口蓋以響琴也西京雜記趙后有寶琴

口鳳凰皆以金玉隱起為龍螭鸞鳳列女之狀蜀都

賦巴姬彈絃鴛鴦絃以雌雄也或曰成都雷氏善琢

琴故曰蜀琴王贊曰楚詞思不眠以

此曲有意無人

至曙蜀琴司馬相如拙卓文君事

傳願隨春風寄燕然憶君迢迢隔青天昔時橫波目

今作流淚泉不信妾腸斷歸來看取明鏡前

齊賢曰晉書嵇

康宿華陽亭引琴而彈夜分忽有客詣之稱是古人

與康共談音律因索琴彈之而為廣陵散聲謂絕倫

遂以受康仍誓不傳人亦不言其姓宜燕然山見前

佳是時招暉娛光眇視目增波五臣曰美人既為戲

樂光彩橫出眇然遠視目若水波傳武仲舞賦眉連
娟以增繞今日流涕而橫波王贊曰古詩迢迢牽牛
星史三王世家曰至其次序分絕文字之上下簡之
參差長短皆有意劉琨詩淚下如流泉又此曲悲且
長謝靈運詩楚人心昔絕越客今腸斷此亦成婦
誦也詞意悲而不傷怨而不諱可謂得國風體矣
猛虎行王贊曰王僧虔技錄相和歌平調七曲
有猛虎行古辭曰飢不從猛虎食暮不
從野雀栖野雀安
無巢遊子為誰驕

朝作猛虎行暮作猛虎吟腸斷非關隴頭水淚下不

為雍門琴

齊賢曰唐隴州汧陽郡汧陽縣有隴山桓
譚新論曰雍門周以琴見孟嘗君曰臣竊

悲千秋萬歲後高臺既已傾曲池又以平墳墓生荆
棘狐兔穴其中樵兒牧豎躑躅而歌其上行入見之
悽慘曰孟嘗君之尊如何成此乎孟嘗君喟然嘆息
淚下承睫士贊曰隴頭水亦古樂府別離之曲正與

雍門琴相對其事則出後漢地理志漢陽郡隴州有大坂名隴坻註曰三秦記其坂九廻不知高幾許欲上者七日乃越高處可容百餘家清水四注下郭仲產秦州記曰隴山東西百八十里登山嶺東望秦川四五百里極目泯然山東人行役升此而顧瞻者莫不悲思故歌曰隴頭流水分離四下念我行役飄然曠野登高遠望涕零雙墮旌旗繽紛兩河道戰鼓驚山欲顛倒齊賢曰兩河道河南河北也曹植詩曰綺縞何繽紛王寶曰孔子家語旌旗繽紛于蟠于地漢書董卓傳論殘寇乘之倒秦人半作燕地囚胡馬翻銜洛陽草齊賢曰天山傾海

寶十四載十一月安祿山反十二月丁酉陷東京十五載六月己亥陷京師以張通儒為西京留守崔光遠為京兆尹安思順屯苑中鎮關中祿山命搜捕百官宦者宮女等每獲數百人輒以衛送洛陽陳希烈張均張垍皆降祿山以希烈垍為相肅宗問李泌強敵如此何時可定必曰臣觀賊所獲女子金帛皆輸

之范陽此豈有雄據四海之志士賀曰秦人半作
囚者唐都長安秦地也京師既陷則人被驅虜而
歸於幽燕也胡馬翻銜洛陽草者一輸一失關下兵

朝降夕叛幽薊城寇潼關哥舒翰擊却之六月上遣

使趣翰進兵復陝洛翰撫膺慟哭引兵出關遇崔乾

祐軍於靈寶西大敗乾祐遂克潼關大拔歸仁執翰

以降朝降夕叛謂至德二載正月安慶緒殺祿山即

位以史思明為范陽節度牛延珣領安陽軍事十月

廣平王傲與回紇葉護入洛陽慶緒走保鄴耿仁智

說思明歸朝廷思明即囚安承慶遣其將竇子昂奉

表以所部十三郡及兵八萬來降并帥河東節度高

秀巖亦降十二月子昂至京師上以思明為歸義王

范陽節度乾元元年六月李光弼以思明終叛陰使

烏承恩圖之承恩多以私財募鄆曲及數衣婦人服

請諸將營說誘之諸將以白思明思明執承恩集將

佐西向大哭曰臣以三十萬眾降朝廷何負陛下而

李光弼主卷六二

欲殺臣命表云陛下不爲臣誅光弼臣當自引兵就
太原誅之乾元三年再反正月僭稱大聖周王夏四
月更國號大燕巨鰲未斬海水動魚龍奔走安得寧
自稱應天皇帝
王贊曰列子女媧氏頗似楚漢時翻覆無定止朝過
斷鰲足以立四極

博浪沙暮入淮陰市張良未遇韓信貧劉項存亡在

兩臣暫到下邳受兵畧來投漂母作主人賢哲棲棲

古如此今時亦棄青雲士

齊賢曰史張良者其先韓人秦滅韓良求刺客刺秦

王爲韓報仇東見滄海君得力士爲鐵椎重百二十
斤狙擊秦皇帝博浪沙中誤中副車良乃更姓名亡
匿下邳良常游下邳圯上有一老父出一編書曰讀
此爲王者師矣旦視之乃太公兵法良因習讀之遇
沛公畧地下邳西遂屬焉數以兵法說沛公沛公常
用其策良曰沛公始天授故遂從之不去韓信淮陰

竟漂數十日信喜謂漂母曰吾必有一母見信飢飯信
曰大丈夫不能自食吾哀王孫而進食豈望報乎項
梁渡淮信從之梁敗又屬羽羽以為郎中數以策干
羽羽不用信亡楚歸漢漢王以為大將蒯通說信曰
當今兩主之命懸於足下足下為漢則漢勝與楚則
楚勝莫若兩利而俱存之三分天下鼎足而居韓信
曰漢王遇我甚厚豈可向利而背義乎語微生歆謂
孔子曰丘何為是栖栖者與史伯夷傳問巷之人欲
砥行立名者非附青雲之士惡能施於後世哉王贊
曰鮑明遠詩古來共

有策不敢犯龍鱗氣身南國避

胡塵

王贊曰韓非子說難篇夫龍之為蟲可狎而騎
也然喉下有逆鱗徑尺若嬰之則殺人人主亦

有之說者得無嬰人主之逆鱗則幾

寶書玉劍掛高

閣金鞍駿馬散故人

王贊曰江淹詩寶書為君掩李
善注云道學傳曰夏禹撰真靈

之玄要集天官之寶書書以南和丹繒封以金英之
函檢以玄都之印翰曰寶書真經也晉書庾翼曰此
輩宜束之高閣昨日方為宣城客掣鈴交通二千石
齊賢曰宣城客
者太白自道也嘗有贈宣城宇文太守及贈宣城趙
太守悅詩晉羊祜都督荊州鈴閣之下侍衛者不過
十數王贊曰魏志陳矯為廣陵功曹使過泰山太守
薛悌結為親友戲曰以郡吏而交二千石鄰國君屈
陪臣有時六博快壯心遶牀三匝呼一擲齊賢曰招
游乎基有六博王逸注崑音昆玉也蔽博箸以玉餅之方
言曰秦晉問謂之博吳楚間謂之蔽或謂之箭或謂
之基博雅曰博箸謂之箭投六箸行六基故謂六博
鮑容博經曰所擲頭謂之瓊瓊有五采刻為一畫者
謂之塞刻為兩畫者謂之白刻為三畫者謂之黑一
邊不刻者五塞之間謂之五塞又曰分曹並進道相
迫成梟而年呼五白王逸注倍勝為年漢書梟騎梟
男也若六博之梟五白博齒言已基已梟當成年晉

劉毅於東府聚博蒲大擲一判應至數百萬餘人並
黑犢以還唯劉裕及毅在後毅次擲得雉大喜褰衣
繞休叫謂同坐曰非不能盧不事此耳裕惡之因換
五木久之曰老兄試為卿荅既而四子俱黑其一子
轉躍未定裕厲聲喝之即成盧焉毅殊不
快管子曰秋禁博塞漢書注曰行碁也 楚人每道

張旭奇心藏風雲世莫知

齊賢曰唐張旭善草書而好酒飲後號呼狂走索筆

變化無窮若有神助時人號為顛初為常熟尉有老人陳牒求判宿昔又來旭怒其煩責之老人曰觀公筆奇妙欲以家藏耳王贊曰後漢二三吳邦伯皆顧

十八將傳咸能感會風雲奮其智勇

三吳邦伯皆顧

盼四海雄俠兩追隨
齊賢曰通典曰吳郡吳興丹陽為三吳馬援據鞍顧盼以示可
用王贊曰鄧通元水經注曰吳興郡會稽郡謂之二吳劉孝標廣絕交論曰顧盼增其倍價西都賦御曲
豪舉游俠之雄曹植詩曰飛蓋相追隨兩字蓋伯與旭而兩也蕭曹曾作沛中吏攀

不請不請

龍附鳳當有時

齊賢曰漢書曹參沛人也秦時為獄掾而蕭何為主吏耿純說光武曰士

大夫從大王於矢石之間者其計固望攀龍鱗附鳳

翼以成其所志耳王贊曰漢書贊曰蕭何曹參起秦

為刀筆吏當時碌碌未有奇節漢興依日月之末光

為一代宗臣盛矣哉班固敘傳攀龍附鳳並乘天衢

古詩盛衰條有漂陽酒樓三月春楊花茫茫愁殺人

時立身苦不早

胡雛綠眼吹玉笛吳歌白紵飛梁塵

齊賢曰唐志昇州江寧郡漂陽

縣上元元元年隸昇州州廢還隸宣州唐禮樂志白紵

吳舞也七畧曰漢魯人虞公善雅歌發聲盡動梁上

塵陸機詩一唱萬夫歎再唱梁塵飛王贊曰古詩白

楊多悲風蕭蕭愁殺人古今樂錄白紵歌梁武帝改

為子夜吳聲四時

丈夫相見且為樂槌牛槌鼓會眾

歌詩見三卷注

賓我從此去釣東海得魚笑寄情相親

齊賢曰莊子盜公為大鑄

巨綱五十篇為經躋平會稽投竿東海士贊曰古詩
為樂當及時任公釣魚事見一卷司馬相如長門賦
因交得意而相親按此詩似非太白之作用事既無
倫理徒爾肆為狂誕之辭首尾不相照應脉絡不相
貫串語意斐然悲歡失據必是他人之詩竄入集中
歲久難別前輩識者蘇東坡黃山谷於懷素草書悲
來乎笑矣乎等作賞致辯矣愚於此
篇亦有疑焉因筆於此以俟知者

去婦詞

上贊曰此篇即顧况棄婦詞也後人添
增數句而竄入於太白集中語俗意重
斧鑿之痕斑斑可見可謂作偽心勞
日拙者天子見註已詳茲不復註

古來有棄婦棄婦有歸處今日妾辭君辭君遣何去
本家零落盡慟哭來時路憶昔未嫁君聞君却周旋
綺羅錦繡段有贈黃金千十五許嫁君二十移所天

自從結髮日未幾離君緬山川家家盡歡喜孤妾長
自憐幽閨多怨思盛色無十年相思若循環枕席生
流泉流泉咽不掃獨夢關山道及此見君歸君歸妾
已老物情惡衰賤新寵方妍好掩淚出故房傷心劇
秋草自妾爲君妻君東妾在西羅幃到曉恨玉貌一
生啼自從離別久不覺塵埃厚常嫌玳瑁孤猶羨鴛
鴦偶歲華逐霜霰賤妾何能久寒沼落芙蓉秋風散
楊柳似此顛顛顏空持舊物還餘生欲何寄誰肯相
牽攀君恩既斷絕相見何年月悔傾連理杯虛作同

心結友蘿附青松貴欲相依投浮萍失綠水教作若

為流不歎君棄妾自歎妾綠業憶昔初嫁君小姑纔

倚牀今日妾辭君小姑如妾長回頭語小姑莫嫁如

兄夫齊賢曰馬行娶北地任氏為妻悍忌不得畜媵

書曰不去此婦則家不寧不去此婦則家不清不去

此婦則福不生不去此婦則事不成自恨以華盛時

不早自定至於垂白家貧身賤之日養癯長道自生

禍歟謝靈運詩序云零落將盡阮籍率意獨駕車跡

所窮難慟哭而反左傳奉以周旋張平子詩美人贈

我錦繡段列子楚成王登臺夫人鄭子簪不顧王曰

顧吾與汝千金曲禮女子許嫁笄而字天父母也蘇

少卿詩結髮為夫妻謝靈運詩登棧亦陵緬韋昭國

語注緬猶邈也楚詞惆悵今私自憐史記三五之道

若循環劉越石扶風歌據鞍長嘆息下淚如流泉更

三詩南主

卷三

三十

始誅劉伯升光武言笑如常惟枕席上有淚痕古有
關山曲古詩照我羅床幃洛神賦光潤玉顏嶺表錄
異哉瑁形狀似龜唯腹背甲有烘黠廣南廬亭夷人
獲活瑁瑁獻連帥嗣薛王王令生取背甲小者三片
帶於左臂土飲饌中有蠱毒甲自擺動後卷於使宅
伺其揭處漸生後遣廬亭送於海畔古今注鴛鴦水
鳥鳬類雌雄未嘗相離人得其一一思而死謂之匹
鳥詩相彼雨雪先集維叢曹植詩賤妾當何依芙蓉
蓮花晉書蒲柳之質望秋先零陸韓卿孺子妾歌歲
暮寒飈及秋水落芙蓉阮嗣宗詩憔悴使心悲選詩
餘生辛巳多曹植雜詩寄松爲友羅依水如浮萍
王臺新詠焦仲卿詩新婦初來時小姑如我長

分類補註李太白詩卷之六





